

九江府志卷十八

孝義

南陔華黍曾補笙詩內則少儀允垂戴記然六行掌於周
官孝友而外兼及睦婣任恤家敦豫順之休斯外篤解推
之好上古風同道一由此其選也夫扇枕溫席固裕百行
之原焚券指囷亦稱一鄉之善故羅氏新安志凡孝子亦
曰義民同條共貫比類而稱載筆者綜其事實另爲標舉
昭示來茲庶知所趨向焉志孝義



德化

宋

許

祚

八世同居至祚主家政時眾七百八十餘口太宗詔旌其門

范芸軒

官樂平教授構堂曰義聚五世同爨元貞間詔復其家

元

范士奇

親喪廬墓詔旌其間復其家

明

王賢

字茂先性質直涉經史善醫永樂間薦賢良方正辭惟以醫藥濟人不責報曾于玉波橋拾遺金候歸其主壽

終九十三

黃相

字國佐篤學寡言事母極孝正德丁丑舉進士乞歸省已卯逆濠之變負母奔石塘林麓值亢暑感疾卒

柳濟

字孟淵性醇雅善楷書父鑑疾踰年晨夕扶持不倦其異母弟凌侮百出愛之愈篤弟亦愧而化之祀鄉賢

黃材

性孝友父病篤醫不能療焚香割股進家人不知也妻後見癢乃知之

左克勤

多陰德性純孝父病默禱割股進立瘳父母俱享高年勤承顏順志至老不懈父歿以哀毀致疾終御史范請

建坊旌曰孝子之門

柳宗孔

字泗淵明經任萬安司訓陞浙江仙居縣教諭篤學嗜古事繼母至孝御史顧題旌顏曰文學純孝鄉飲大賓

三次壽八十

楊登備

字公先庠生性好學事親孝母病篤焚香割股救愈老而無恙御史邢題旌其門

隋周士

庠生母蔣氏病篤割股救乃甦其父夜夢神告曰汝妻數當終憐汝子孝而痊之縣令趙申詳學政陳旌純孝

後遭城陷乘間出見父歿亂軍痛自縊妻楊氏知雄縣事掛綠女也亦乘間出懼兵及投塘死弟周京構求合墓焉

孫光前 字明軒篤學嗜古性孝友陰行善凡以急告必應施棺之立瘞與其妻劉承歡無間左逆陷郡人皆逃前曰君子寧向狗鼠乞命耶志士求仁吾決矣整冠拜祖廟投井而卒

李全昌 字文宰庠生性孝友值歲飢出米二百斛傳母命賑之母卒備盡哀禮乙酉左賊東下其二子百計出重圍昌

夫婦依母殞不忍離比城破賊蜂擁不得前過陽明祠見火起擾攘中適妻孫氏至昌知不免謂妻曰李氏幸不絕吾得死所矣趨祠就縊孫亦投井

死長子孝廉曰鉞次曰鏞

邢士吉 儒士好善樂施道拾遺金候其人還之會

有貧鬻妻者出金贖之御史聶旌其行

劉道昉 諸生好義樂施崇禎年浮梁馮學成年十五流落江州備書自給附憐之館于家飲食教誨同己子成返遊泮

不忍忘德改姓劉名光應移九江學附復婚妻之歲饑豪家多閉糴昉先輸穀二百餘石以助賑鄰里緩急告無不應

國朝

熊文錦 年十二母疾侍藥不效割股以救者至再母旋愈督學侯旌以匾

呂國珍 年十歲割股療母疾乙酉父為兵執珍十二歲引頸就刃曰乞殺我以代兵感釋之順治十二年母病篤時水

漲風狂珍冒險求藥中濤覆溺

漂流數里遇難得生聞者感動

譚受所 家裕好施乙酉兵陷人多失業兼值凶年受糜粟譚家

流離解推倍擊詢王顛末知全家俱虜于兵乃為招集散亡七十餘口其被虜在安慶者捐金告贖于左營俾完聚焉王

寄食踰年乃護送歸之後

范從浚 字箴自附貢父士瑾早世母黃氏年二十九遺腹生浚

戊巳兩載水旱出粟數

十石鄰族多所全活

德化

孫必達 字長聞少孤事母孝母疾籲天求代歿廬墓以孝廉官
上猶教諭同邑羅為卒訓導任贊助扶柩歸解組守
令重其品行請
為鄉飲大賓

胡士珂 字楚玉州同職謹恪慈祥掩骼埋齒不惜費施棺以
百計長子修領康熙癸卯鄉薦餘六子俱列庠序

丁光國 字建安武舉父歿弟光廷僅數歲教之成生平尤教族
樂施有族弟事窘以百金解之又湖邑工人外貿本折
不能歸欲自縊
給穀以生之

鄭一愷 字惠人歲貢與兄一貫同選司訓俱不就怡怡一堂未
析箸者三世叔德甫無子事之如父視膳三十年無倦

蔡俊 字元友性孝七歲侍母疾寢食俱廢長舌耕所獲必分
給弟姪雍正年間聯族修家乘置宗祠而族益睦年饑
鄰有思鬻子者傾囊以濟由
恩
貢候選教諭舉鄉飲大賓以壽終

夏蔚 字筆江庠生性孝友先意承志常令親有餘歡母邵歿
事繼母陶如事邵母病劇祈以身代感妻金氏割股救

之見列女弟心馥孝廉官沂州同知會沂饑蔚聞教以私賑
立貸數百金送馥署令救災焉雍正四年邑苦饑蔚多捐穀
以賑人皆德之乾隆元年公舉
賢良方正旋奉文停止未果

楊有量 鄉民也家貧業耕性至孝繼母李疾割股
救得愈父疾又割股救愈鄉里推純孝

陳再虞 字二如母曹氏病篤夜聞人語人參湯可救人忽不見
虞悟割股為湯納之果愈厥後虞病為神語曰割股好

判股好雙親直到象湖老三九相逢人馬齊錦衣夜歸不待
曉及愈人詢之乃言割股事究未解下三語何指也後二十
年父怡官瑞金訓導母隨任見瑞金志云其邑別號象湖鎮
越七年而終三九之驗也父母同終于署錦衣夜歸之驗也
歲已亥知府沈知縣張詳舉孝行人
祠甲辰學使沈旌以額曰無忝所生

何之健 字進思家貧力學為諸生操履狷介母
病侍湯藥衣不解帶者久之鄉里稱焉

羅光表 字被四性醇篤善事母暑除蚊寒溫被至老周解母年八十表以拔貢入成均一日思母大慟號泣不止欲急歸奈例未滿期司成王傳嘉其至性爲請于部乃許之更書孝友純儒額贈焉後官上高教諭教士有方以病解組士人之念

馮士鈞 字次石庠生少孤篤奉母以硯畚所獲供甘旨餘與諸弟共用慰母意嘗館郡城一夕已就寢忽悲啼叫號人問之則曰吾母病矣蓋夢而心動也次日家信至與夢符其舅父張赤生屢負鄭一燈田租鈞每推束脩使償鄭鄭知之乃捐張負而折其券高鈞義也生平承歡養志大率如此

蔣妙領 字居遠邑庠父早喪事母孝每晨昏具衣冠過母寐必稽首而退母不知也母病痲半載汗垢必親滌母卒三年笑不露齒同懷三人季無嗣以己次子爲後而季所遺產仍與仲均分曾于孔隴拾遺金六十三兩候還其主

王尊五 與弟有周家貧性孝父早亡母宋患癰又失明臥飲食皆躬親不假妻手曰吾分當然也專小藝奉甘旨

余自毅 十歲母亡柩停宅後山朝暮往泣焚拜三年一夕虎踞柩旁毅持香往虎見而逝繼母魯生子愛如同胞後父歿分產不較

周名漢 字子文性孝友弟兄四人貲財不較獨養父母父歿喪葬盡禮母鄭久患癰坐臥必親扶溺器必親滌母不食漢夫婦皆不食二十餘年不懈里有婚無費被翁逼投緹者助之得免族中死無棺衾每出貲以助壽七十六終子德新濂溪 祠生

黃先典 字徽五端方恬靜不履公庭父邑庠琬疾親嘗湯藥母年老手足難支扶持不懈父母歿哀泣盡禮壅平好善樂施捐修黃老門橋以利行人舉鄉飲僕賓

何烈 字功安郡廩兄燦如早歿姪國學墳方黻教養成立其叔賓貢登權晚生子煥如權粹中風不能語目注烈烈

曰叔以煥如弟屬姪耶敢不承命乃瞑目後煥如有不率訓烈每為之泣下卒能不負所託嘗在旅舍有婦私謁輒作色以拒海昌沈澹菴督學江西舉優親書醇謹二字獎之

蔡繼文字純一州同職昭勇將軍廷輔長子也父歿庶母張生弟甫八月張亡文令妻陳氏乳撫成立友愛孚於族黨

歲饑捐金數百施粥龍池寺全活甚眾後家漸嗇猶典質濟人急焉親弟邑庠繼彥重操守攻蘄黃冒考不稍假借被攻者夜遺百金屬色斤之士林欽服

文子邑庠澈性孝好義亦如其父

張華字元臣性孝友尤善事兄嫂其昆弟有貧乏者與同甘苦如未析箸族鄰有急必周每歲除給貧人以錢米咸

之德

張文采字著五國學性孝友父歿伯兄文學持家季弟暹尚幼析產時以田之沃且近者予弟以兄舌耕所制產歸兄

併以勸其季弟兄弟交相讓采成之也嘗以金為故人償債其鄰業操舟采付銀數十金託買菴具舟中容貨被竊客欲

訟其人急遂以采銀償客歸而泣告願將船償采不受借券盈帙疾革時悉暗焚之逾年有以金還者索原券始知焚矣

桂登鉅字瞻林府庠性篤厚施不責報尤急公不吝邑南十五里溪漲難渡捐千金建橋知府秦勇均記獎之通遠驛

北有蛇岡嶺雨後泥濘鋪以石便往來邑一鉢菴臨通衢捐田煮茶以濟行旅又捐千金于洗心橋建閘以防旱澇人咸

賴焉

文相府椽性純篤五歲亡父水漿不入口者數日母疾湯藥必親太守吳公廉知重其行族有老嫗無告欲為尼與

其母善相體母意以食之養于家十餘年歲丁未郡大饑相在白下罄所有購米馳歸以補族鄰之餓者人咸德之

許必鎧字振戎少嗜學工文詞事親竭力侍疾湯藥必嘗及病篤割股以救伯兄病危焚香請代析箸則財產不較兄

不足輒傾囊以贈嘗自湖邑歸途遇鬻妻者臨別甚哀惻然如數以贖鬻妻者素不相識願聞里居姓字笑而遣之宗族

鄉黨緩急相周急凡貸予未償者焚其券佃人耕不足助以糧種婚娶失時助以費并代為償貸佃其田者多起家

舒承卞

邑庠少失怙恃依兄嫂事之惟謹兄卒遺一女及孀書券給田四十畝為奩資以慰嫂心家故饒濟及三族並

善遇嫂族里以急告應如響後卜居八角市鄰不戒于火人爭呼救舒相公家素有以感之也子大猷早逝卞與妻黃氏

撫孫成立俱列成均

廖介

字以眉歲貢選建昌訓導父孝廉應旌素患痔每作痛不可忍百醫莫效介以舌砥之痛乃已父曰兒為人情

所難誠善事我母早亡篤孺子慕奉繼母亦無間言乾隆元年以孝舉奉旌建坊

李蕊

字又西性孝友母蔣氏患癰百計求醫藥竭誠侍奉居喪哀毀盡禮弟產中落常推所有以相給人有鬻妻償

負者蕊目夫婦生離吾不忍也捐金償之以歲貢兩舉鄉飲大賓子騰淵辛未進士

楊企崑

字宗滙性和厚取與不苟年十九過梅邑有因債賣養媳者見而憐之償其負歲飢在高家壩拾遺金百餘兩

卒訪其人還之分所遺以謝不受凡族黨有室之者緩急必濟享年八十

熊士鰲

字繼禾郡庠潛心讀書授度日母周氏病篤割股和藥進卽瘳母歿哀喪盡禮乃以舌耕客于衡州司馬署

中卒前三日夢母示以期人咸異之

王安國

字右石山西平陸知縣世甲子也甲敦友睦族國循父行尤好善樂施親朋子弟無力者招至家塾出束脩給

衣食成就甚多桑落鄉水災有積欠糧課者以地五十畝變價代償乾隆年知府劉炳詳旌善人

羅寶元

字士魁性醇厚廉靜事繼母至孝尤好施人有窘每傾貲以濟乾隆二十二年有將鬻妻償負者捐金全之濟

困周貧至老不倦壽八十七孫為孝戊戌進士

鄭枝枚

字功占國學醇厚友愛尤樂急公乾隆十九年邑尹修葺濂溪書院捐地廣之事載學校有佃以貧病窘欲鬻

妻媒合已成聞而矜之卽以是年全租六十餘石給償伉儷獲全其性孝曲體母志並愛諸姊姊亡于兩甥田屋其餘宗

族鄉里皆推解明恤

羅

滋

字侶伯幼失怙事母孝讀書循例入國學性慷慨好義

汎又疏濬新溝洫內漲邑侯許萬玠文獎之甲申歲大水隄潰民饑請當路以隄工代賑俾饑民傭工獲值全活無算鄰里以急告每量力助之

子俊乾隆庚辰舉於鄉

李士達

字非聞性耿直睦族慕義年十二雙親見背哀毀幾絕

有表戚早亡遺孤數月貧極無依其母欲他適達日若他適此子不保矣因僦屋以居衣食婚娶皆力任之後子母安全皆達力也年八十二卒

汪淮玉

家貧服賈好義輕財曾路拾遺金尋其人送之囊中稍

有獲稱貸不吝且焚其券家居江岸見狂風巨浪覆舟者極力救之活人甚眾壽九十

五乾隆庚辰庚寅兩蒙 恩齋

蔡匡潮

字廷璋幼孤母胡氏苦志守節潮事母極孝居喪三年

子驚產助納妾又有婦姑勃谿者婉為開諭咸感泣相愛潮年七十舉鄉耆子孫同居蕃衍

以下續編

趙世浚

字字涵邑庠性耿介嗜學與弟邑庠世清互相切磋父

卒伯叔析爨田產之膏沃者咸讓之後伯叔貧給以舌耕所獲不吝其曾祖光祖及祖鼎臣宦遺僕婢悉還其券不索身價

余怡訓

訓生員余調梅祖醇厚孝友不趨浮薄以讀書立品為先務好善樂施族鄰有告急者必曲為調恤

蔡价藩

生平守分慎取與有表兄貧無倚苦力調恤死葬亦視為己事兩逢 恩賞年逾九十

張之湛

字晞陽國學醇篤孝友樂善不倦有佃風道無償放沒其妻遺娠人欲鑽佃計逐之湛不許次年佃妻舉子湛

捐貲倩工代作多年以全其孤寡

周義

字子方與妻黎氏耕匡山麓屢空晏如耕讀教子孫內

外嚴肅性剛直鄉里有不平每就廬質之孫國鎬舉於鄉

王子明

樂善好施各關憲迭賜善行匾額旌獎風世壽終九十有餘迄今稱善人曾舉鄉飲耆賓

任學詩

父病篤詩禱社前割股忽被鵠銜去再割以竹筒貯歸烹時前膾復自甯中出父食之病頓愈

王延士

庠生子明長男也方十二歲時母疾篤悲泣割股為湯以奉母母遂愈復活三十八年而後卒

李鐸

監生自幼以孝聞及長定意承志父愛少女已于歸矣鐸家中諸物日遣人餽送父疾號泣旻天所以身代父

歿喪事盡禮水漿不入口者三日

駱軒

文庠母早逝事父與繼母甚孝長兄壽潰七載不愈軒侍藥洗滌不厭本鄉黃茂堰橋圯倡首捐修行人利賴

邢維楨

字厥猷號憶劬由拔貢中康熙辛酉舉人性孝友父母疾親侍湯藥衣不解帶及沒喪葬遵家禮凡父遺借券

焚不取償有江南姜姓持金取券不獲怒楨以實告姜謝而去課維渠維楮皆庠生孫國璽庠生幼失怙恃能自擇師以

英年入泮孝友仁厚族黨咸稱嘗取陸子喻義講義以自勗故自號力齋晚年留心詩古所著性情三緯多可傳者

李鴻謀

庠生性至孝父沒哀盡禮母常患目疾飲食親奉搯扶持並不委諸子媳母壽踰九旬謀年已七十孺慕

猶篤母沒梅梅漆漆鄉人以孝稱弟鴻賓少時多疾調理備至以兄事代師事

楊廷貴

太學生好善樂施郡邑文廟書院義學街衢堤圩稟請有案者捐銀一千四百餘金其每年河岸沙灘造購

木板挑掩官山孤墳檢埋無主枯骨以及寒不能衣貧不能娶死不能殮者周濟不一姓貲亦不計數矣現年八十一歲

以子魁贈儒林郎

羅鶴

太學生幼年失父即哀慟盡禮闋服後每逢生辰忌日必號哭如初喪偕妻蔡氏養母歷年無倦色母病夫婦

仰天禱哭即愈母終廬墓三年基址猶存其他撫姨姪如同胞全姊及女之節以及完人夫婦助人棺槨捐金立祭皆人

所難為者子星平授例入太學次星耀補弟子員

羅俊

登庚辰武科通曉文義品格端方終身不輕入公庭乾隆五十二年倡捐祭銀三十兩與羅鶴所捐共為每歲

拜掃之資凡地方有善舉俊竭力不懈郡伯初公陳公俱顏其廬啓手足時悉檢借券之不能償者置之火于德煥補邑

廩生

鍾奉若

慷慨有義氣遇家庭故舊不肯一毫自私乾隆六十年姑塘酒肆不謹於火主人不知所為鍾代檢出物件火

熄還主又江南陳客於買物外誤發多錢鍾比亦不知也後數年陳復來鍾如數還之遂為契交于少玉入泮

夏新洪

性穎悟試輒不利於有司居心仁厚樂善好施旱歲變產周卹康熙年間舉鄉飲耆賓太守朱郡佐錫俱錫以

額生子國選旬日而妻亡家僕華林之婦春梅同時生子感主恩分乳食之後乳雖不充而撫主倍挈華子以患羸疾殤

終無怨言

呂 峒

生員遵父遺囑除租三十石以濟貧乏母老得疾未嘗離左右借項三百餘金悉取券焚之姐適陳門夫故母

子無依峒養之并為甥完婚表弟失偶助金為之續絃族戚有爭訟者力為勸解又備藥施棺周濟無算

何 坦

太學生少孤事母以孝族中多所周濟有醫妻償債者償債以完其室佃戶積欠願退佃坦仍令承種有厥

底典衣度歲者被人攫去錢文飲泣赴水坦見力救詢知其故解囊以周之

熊國泰

庠生年十四父病篤醫藥罔效泰默禱於天剖股以進其父病遂愈膠庠多重其孝行

張光椿

有孝行母黃氏病篤醫不能療乃剖股為湯以進母病尋愈縣令俞給匾獎之

夏必訓

乾隆四十年母病割左股次年割右股俱療愈至今刃痕宛然雖農人鄉里敬之稱孝子

蔡 琳

字晴峯貢生父梓素惜字琳承父志置秦紹芳頂寫念英戶故屯租六十石捐入通津 文昌宮承為拾字琳

燈之費其志行類如是

宋光璧

授州同銜平生好善樂施捐貲襄修郡邑 文廟兩廡及濂溪書院齋房並捐貲救飢掩骼修路

廖正光

生員於乾隆五十九年捐穀二百三十餘石保全族隣凡族貧借項不能償者約四百餘金悉焚其券前後所

施棺木共計二十三棺族貧不能讀書者捐造書屋延師教之族隣寒士不能赴試者助貲勸試

胡懷偉 監生母嘗患胃疾湯藥不納日夜服事不懈偶遇道人醫方蘆根煮雞時夏漲取之不得泣祝尋於江岸撥泥即獲依方治之立愈母延壽八十有五親兄貧死無嗣即以己子名珏承祀供養嫂氏以慰其心城東平巖造涼亭以息行人後圯復修又修塔巖巷一帶路又捐錢三十千文存八角市陳店生息為施棺之用凡明倫堂等處皆竭心監修并捐貲焉

費振宗 庠生置牛籠嘴山一所以待死無歸葬者

費秉乾 振宗孫也捐造牧家溝石橋一所計費七十餘金又本鄉文昌宮逼窄捐陸地畝餘宮以廣焉

黃光甲 字魁文明于醫術濟人概不受謝父患背癱嘗以舌吮思慮敷藥父病遂愈

陳公元 字魁先赤松鄉人鄉素患水溢元倡修長堤保護廬舍利濟多人授職貢

黃學宏 職員運漕北上適同幫喬氏兄弟虧糧宏傾囊贖補會試後舉人南旋至通者待以禮儀饒以盤費後發迹在都

宏絕不因前情干謁焉

熊通達 字文師屋側有何姓者孤貧患癰疽臭不可近適親奉湯藥解衣以衣推食以食

曹松 監生善事繼母友愛幼弟律己以嚴非公不入邑庭知府蔣允焄贈以額

黃秉鉞 監生財不苟得患不苟避勸人以善待人以禮其處家庭骨肉之間尤忍人之所不能忍

黃元 庠生母沾足疾多膿元長年口吮日凡數次縣王吳贈以額

李際清 孝親若性成朝夕服勞奉養甚謹一日母黃氏病篤醫藥不效際清割股啖之而母病遂愈

王為泮 事母以孝聞嘉慶十一年母曹氏有疾泮求急愈割股啖之而母即安

胡啓榮 事親甚孝母鄭氏病嘗割股烹藥以進母病遂愈

虞位賓 太學生和厚公直樂濟飢貧嘗遇一寒士助錢四十千文以周之又一貧丁助銀一百餘兩以充漕務墓在匡

山之筆架峯至今名其地曰虞善人墓

吳宗唐 生員字有虞精醫術痊活多人遇貧者不索謝

陳公燦 字玉彩母嘗患癰與其妻遞吮膿得愈

陳發高 字登瀛凡稱貸不克償者為焚其券

胡勤廷 與弟應勳應蘭同居四世勤儉和睦堪以風世學憲王鼎旌以額

吳舜錫 父染病在牀備極困苦錫默禱于神割股以奉遂愈

江宏陽 施地於洲灣以葬無依之骨

劉榮先 職員置臘雞嘴荒山一處以待死無歸葬者子瑜廩生孫尚琦庠生

李隆文 道拾遺金失主誣及道旁人隆文急白其誣還之縣令俞光豫旌以額

陳高選 歲貢母臥疾在牀選依十餘載不入私室宿母喜食魚選故貧日求魚不較價常令病者有餘歎鄉里以孝稱

劉家義 即榮先之子捐貲修葺家林至野貓頭堤壩備旱澇便行人遠近德之

王言 字子青邑庠生為人捐介自守樸實無華訓家以詩書好排難解紛然非公不至邑庭雍正十三年舉鄉飲介

貞年八十四卒

盧學哲 鄉飲俱賓家丁百餘人共居一室關樞使唐贈額六世同居一堂孝友

馮崑山 勤儉持家五代同爨一門雍和曾元繞膝現年九十有一歲

周肖伯 業儒好善兩次捐修全順橋二百八十金其鄉人某歲歉賣子肖伯勸止之贈以穀又某女欲改聘亦勸止之

贈以銀壽八十終

黃德翼 監生篤於孝友侍雙親疾十餘年不稍懈父沒課第三人俱列邑庠

劉隆貞

成均選亭孫母曹氏產五晝夜氣昏已絕貞年甫十七泣禱割股以進母遂得甦

鄒煌典

庠生翔家孫世家耕讀孝友持躬幼工舉業名未成終身誦讀不懈見人一事一言之善欽服靡已排解戚友患難縱事弗濟無不如力焉敬禮士人後進事如先輩鄉里稱有古長者之風

熊國光

監生年荒放穀力不克償者不復取討又助二十金以全族姪改聘之婦

呂濤

監生父早沒母喪廬墓三年

花光榮

監生取與不苟善事母及兄現年七十有九

周觀光

置入里坡荒山以葬無主之墳又造周家灣石橋

胡文寶

監生舟中遇售養媪以抵債者解囊相償

毛遇昇

母病危割股肉和藥以進得愈

德安

唐

陳崇

伯宣子自伯宣居德安合族同處崇為江州長史置田園為家法戒子孫擇羣從掌其事建書堂教誨之僖宗時嘗詔旌其門南唐又為立義門免其徭役

宋

陳昉

崇之孫江州司戶袞之子試奉禮郎昉家十三世同居長幼七百日不置僕妾上下親睦人無間言每食必羣坐廣堂男女異席未成人者別為一席畜犬百餘共一槽貯食飼之一犬不至羣犬皆不食建書樓于別墅延四方之士肄業者多依焉鄉里率化爭訟希少開寶初平江南張齊賢知江州請免其徭役昉弟之子鴻太平興國七年張齊賢為江州轉運使又奏免其雜科

此條省志載陸游南唐書列于陳褒名下云十世同居按宋史稱叔明五世孫兼兼生京京嗣子褒方為七世徐錯陳氏書堂記亦同安得云十世乎且德安之遷始于伯宣褒此時尚未至江州又安得有義門之旌余依宋史正之又按褒為七世褒生確確孫伯宣伯宣子崇崇生袁袁生昉昉與史所稱十三世適相符台而確之子名獨不著何也至胡祕監義門記世次與此則不合但既云袁五次長昉六次長又云袁昉皆兄弟合為一世有說已自相矛盾矣抑碑經火後本板錯悞有如周益公所云又不第若官二字惟然耶

陳 競 鴻之弟也淳化元年知州康叢上言競家常苦食不足詔本州每歲貨粟二千石

宋史作競舊志作競字若誤

陳 旭 競從父弟每歲止受貨粟之半云省節而食可以及秋成屬歲儉穀貴或勸其全受而糶之可邀善價旭曰朝廷以旭家羣從千口軫其乏食貸以公粟豈可見利忘義為罔上之事乎至道初遣內侍裴愈就賜御書還言旭家孝友

儉讓近于淳古太宗嘗對近臣言之參知政事張洎對曰旭宗族千餘口世守家法孝謹不衰門門之內肅于公府且言及旭受貨事上以遠民義聚復能固廉節為之歎息大中祥符四年以旭為江州助教旭率弟蘊主家事天聖元年又以蘊繼為助教蘊率弟泰主之泰弟度太子中舍致仕從子延賞可並舉進士延賞職方員外郎

明

聶孟常 正統間捐穀助賑勅旌義民又獨建聶家橋人誦其德

李仕春 景泰間歲凶巡撫都御史韓憂民阻飢發示凡出穀四百石以上者立石顯其名仕春慨然獨穀六百石四境

賴以全活知縣鄭照立石撰文

湯彥海 字天池天順五年以學行擢縣尹嘗捐米三千自運于饒賑浮梁樂平縣饑饉之人立亭紀之

劉春 字時元宏治時人力學好古不衣巾不出戶庭事親盡孝親疾嘗糞衣不解帶仕南康聞喪即跣足步行廬于

慕所嘗有積貲為族姪所匿春知之置酒
勸毋妄費孝宗崩聞訃東向痛哭者三日

程道昌

嘉靖三十六年所旌孝子也石坊猶存山萬壑

王廷侃

性豪爽喜施與久負不償者即焚其券萬歷間歲凶出穀千餘石賑濟全活者甚眾知縣馮順宣給匾以旌子五人皆賢時以為義報云

國朝

張志良

市民也性至孝旦暮祈天求益親壽妻逆母意立出之士民公舉其行於理刑余公以摯孝扶風旌焉

仇科

勤耕讀治家有法比隣賴其仁恤左兵圍城時征餉公帑無以應科首捐百金佐之順治戊己歲凶出穀數百石以賑同時有桂啓衡施鬻兩月亦出穀數百石人賴以安

姚顯揚

積貲不甚多而建橋用急無所吝順治丙丁歲荒獨賑出粟千餘石邑合給匾獎之鄉飲二次孫宏偉曾孫紹

烈弱冠遊泮皆有義行並舉鄉飲

郭維炤

字燦華好行利濟事喜排解飢給食死給棺有族子二日不舉火以告呼婢探盜中粟婢以止可充一日對類蹙曰舉與之昨日不食較明日不更急于有以薄于其子諷者維炤曰貧富有定命吾行所當行子言非所願聞也時舉行鄉飲酒禮公

論皆推先焉

丁應乾

字龍躍本姓曾母邱氏矢節有傳應乾生三歲而孤性至孝甫能言見母愴痛輒哭不食比長讀書至夜分不敢懈膏油莫繼燃松葉以代弱冠為邑名諸生母病躬調湯藥穢衣親為澣滌及歿哀毀骨立墓于邑南陽居之麓地舊有虎患應乾廬墓側三載嘗有虎過墓所俯首蹲足若拜禮狀然後去人以為孝德所致邱性好施與自寘時以及豐裕始終一致皆乾曲成其意康熙辛亥歲奇荒有

穀五百石概為賑助雍正二年詳入忠孝祠

袁道林

字純如兄弟六人道林最少八歲喪父受書于兄性敏而事母孝得時果必以奉母稍長好問父遺事輒潛然

德安

涕為文舉筆立就家貧食指繁以訓徒所得佐兄為養備供具稍豐則起謝曰吾母兄不常得此忍獨享之乎持已清慎謙退與物無競聞人善津津樂道不置仕信豐訓導士習翁然沐化致仕歸餽餼概勿受甘貧終身

熊國郁 每歲青黃不繼于族隣之無食賑之霜雪滿地于族隣之無衣者又賑之好與施五十年不懈沒之日族隣如失慈母

李日綦 字蕃初一庭孝友誦讀不輟力行善事殺價貴不居奇以病民稱貸者不重息取償知縣姚文燕高其行舉鄉

劉宗高 字若登素醇厚有義行康熙辛亥歲奇荒同里王姓者

門之內數世同居以禮讓和其鄉里知縣張兆亨重其行舉鄉飲未及期而宗高即世因為作誌銘以傳之子則行紳有父風與從弟乾行一鄉皆稱為長者

鄒登榮 字盛生九齡失怙力營甘旨以奉母色笑毋死致哀盡禮設家訓八條門內整齊嚴肅嘗戒子弟曰我見人爭

以直道解之則人自服人與我爭以忍字當之則人自愧故子孫雖衆多無敢越義而行者族戒中有虧國課者力為之稱貸以輸里黨困乏者常周之不取其券不計其償人以是咸高其義撫院裴督學徐皆給額以獎焉

附義僕

朱松培僕也一切使令咸稱意松培患痰疾久臥不起幾登鬼錄來應沐浴焚香籲天請代禱畢乃剖左股煎

湯進恙遂愈後松培疾每將發來應預有憂色人問其故來應曰主人舊恙將發吾股必先痛癢人欲視其股不許強而視之癢痕宛然力詰之始知其從前剖股救主也鄉里皆驚異

以下續編

程聖培

字植夫號卓齋附貢性古樸敦行好義乾隆癸酉歲歉

石多所全活府憲蔣給賜以額長子鐸字金聲號仁莊在湖
北鄖陽府經歷居官以廉惠著及解組歸尤好行利濟乾隆
戊申大水同里戴姓被淹鐸親督工乘舟救活二十餘口并
接戶給貲為廬舍不至失所其費不下千金現今年八十一
培長孫繼浩王子舉人次三四
皆邑庠人以為樂善之報云

潘崇信

孟生父沒廬墓三年屏絕葷酒母病目藥療不效每日
以舌舐之早晚數次五月母目復明叔父修禮沒生子

崇智殤叔母徐氏余氏孀居信事之如母以已子出繼崇
智族中不能嫁娶者每給以貲喪葬荒歉亦能應時賑恤

李嘉維

字金木號惺堂少孤事母敬順母病數月衣不解帶夜
半刺臂血書疏焚香額天戒已算以延母壽母尋痊人

以為孝誠所感平生刻苦自礪博考羣書詩古制藝力追前
輩卒以明經者兄嘉應字懷邦邑廩生父沒時二弟俱幼應

德安

飲食教誨以弟之學行為己責季弟嘉玉號蘊山邑廩生天
 姿敏慧經史外百家諸子無不搜覽多所著述蘊山集其一
 曾大焜 職員父安邦武舉會試卒于京焜聞信哀號思奔京扶
 柩歸葬因業薄費艱念二弟孤弱因卽家產三分將已
 分罄賣奔京于叢塚中覓柩扶歸往返六千餘里艱苦萬狀
 邑舉人鄧成源作贊以表其行焜後至餽粥不供卒無怨尤
 周序爵 字文燦職員生四月失怙母劉氏艱苦鞠育稍長營什
 盡哀至者不易性好施乾隆乙巳歲旱罄所積以貸不足更
 買穀繼之族六十餘戶歲終更給錢穀以為度歲之資年六
 十五卒遺命建寶岡義塾捐銀八
 百并基地山塲以為造就之地
 李枝馝 字尚謨監生性好義樂施乙巳歲歉捐賑穀石後更
 捐田十畝入本邑養濟院邑侯黃高其誼獎以額
 洪恩普 性好義樂施乾隆乙巳歲荒出穀貸族概不取息貧者
 并不責償籍南昌衙承運四十餘年公私交賴之嘉慶
 元年捐己分應領起運項下餘租銀
 九十九兩以濟新造族人咸沾惠焉

傅善瑤 監生素行醇厚好施與嘉慶甲戌被旱捐穀一百二十
 餘石散給鄉里其他修河壁路修孔壠街及文昌宮萬
 年橋所捐不
 下數百餘金

瑞昌

明

易鼎新

幼孤奉母甚孝母沒廬墓三年悲號聲感行路常有白雉烏鴉朝去暮來棲廬側樹上郡丞謝英賦詩紀之

鄧瑀

割股愈親好捐施有鬻妻償負者焚其券嘗買薛某為僕後知為御史曾孫禮送之歸出粟三百賑荒子時秀

任浙之浦江直指毛鳳翔語之曰先人寒江苦盜非尊公為他鄉鬼矣深相禮敬

張元相

親老食艱自為之哺兄子失怙慟涕撫之諭隣族無訟一鄉畏之此于王彥方云

吳均

母年八十終均已六十躄踊哀號幾斃廬墓三年隣族聞其哭聲為之輟食事聞詔賜冠帶旌其門

張時叙

事繼母至孝父滯疾三年叙未嘗解襟帶姪孤不立日給其所需族中有貧者無賴者計困磨之後舉鄉飲

劉廷棟

家貧灌畦藝黍以致養母病篤額天割股以養進得瘳及居喪哀毀勺飲不入口者三日隣家失火將延及停

柩棟撫櫬哀號得返風滅之廬
塚側三年不忍少離鄉里悲之

潘克唯

性至孝好周恤施西關外義塚地數十畝感異夢而生
子震龍讀書聰慧以歲貢任泰和訓導擢陞南安司李

尋以禦寇
卒于兵

田德懋

字世寶一字官崖兄德寬洪武初因人才薦膺建寧同
知德懋家居事親不少離母病劇割股以進病即愈邵

邑上其事以孝弟力田例擢為縣令父母促就道德懋曰忠
君孝親兩者並重兄既委贄從王兒再仕父母甘旨誰供與

痛疴癢誰調護言之淚下陳情懇辭
郡守以聞恩賜文林郎壽終于家

鄒繼唐

字又四武庠生事母至孝常以孝經內則諸篇誦誦不
置曰男兒讀聖賢書在家不能為孝子在國即不能為

忠臣母病篤割股雜藥以進即瘳
縣令黃源大問其事給額獎之

馬麟

字仁趾家貧有所貨輒分給所識寒士常如廁見遺糞
百金攜以歸明日于故處待亡金者盡還之後以歲薦

任經歷為
廉吏有聲

董伯益

其先樂安人徙居瑞昌黃沙以漁樵為業家萬金散其
資給吳楚間窮人痊漂尸賑寒士諸所貸者不責償修

謝元暉墓起謝東山祠凡費千金餘嘗建平橋助義倉穀會
逆濠亂脅其子庠生朝翰去千金贖歸拊其背曰千金仍女

亦幾殺女盡散之仍為貧
人捕魚澤中自適也

陳璉

讀書好義不履城市者三十餘年嘗以
歲饑出所蓄粟三百石助賑鄉里重之

文綏遠

字亞侯一字櫟齋習舉子業未售遂業醫每出奇方活
人嘗于堰山涼亭中獲遺金一包守候抵暮一人至大

呼曰吾死矣綏遠詢之曰吾負官糧售物得金今遺失何以
生為言訖淚下綏遠驗實悉還之其人願中分綏遠微笑而

去後二十年子師大領鄉薦偶過亡金者之家其人歎息曰
天道有知洵不誣矣家人始悉其事生平隱德多類是以子

貴贈文
林郎

李尚哲 字仁宇性質直恂謹崇禎間歲大祲穀騰貴人多閉糶尚哲出積穀平價遠近賴以存活者數千人邑上之直指奏請冠帶年未七十再舉鄉賓事母純孝友愛兄弟不析箸者四十餘年

國朝

田同茂 字忠甫義士也順治二年閏六月通判郭公之麟署縣事甫兩月遇變殉難同茂備棺衾收葬越十有八年郭

公子傳芳選陝西富平尹未赴任奔迎父柩囊罄難歸同茂復捐金倡義以助

李之幹 字青綺庠生輕財好義時縣多逋賦郡太守親微捕求嚴迫之幹出銀六百餘兩代為完納積逋悉清又劉景

臯治瑞時生員陳應諧等呈革時弊十二事之幹初未與名慨然以公事助銀四百兩資其使用郡守器重之早喪父事母以孝聞嘗夜宴客有凶賊伏門右之幹覺肅衣冠揖之入從容款留賊旋悔曰小人無知今後不敢犯君矣

熊應期 字未釋婦痛夫欲自縊應期間之捐館俸代償得免焉性孝友慷慨好施有柯立斯逋稅八金捕追除

文德恒 字貞子邑文學讀書積學以淳樸訓子孫時母年九十有七恒亦七十餘事之猶依依孺子然與兄德至為諸

生四十年友于退讓雖僮僕未嘗加以疾言遽色鄉黨凌競之氣皆感而化之

鄧仕道 字貞士一字慕菴為邑諸生父母年逾八十齒落士道甘旨日哺左右扶持不懈及沒結廬于墓晨夕哀號間

以病憊歸家必日一省視逢忌辰具酒食墓前悲泣終日有堂弟少失怙恃仕道收撫如同父產業費財悉均分焉

何一瑞 字淑仁邑文學事親以孝聞父沒一痛幾絕既卜葬結茅墓側近墓有陳姓者遇風雪夜欲延于家一瑞大泣

日汝欲安吾身何以安吾父獨居三年如一日焉後母死復廬墓三年族人咸欲舉報一瑞變色止之孫燦邑庠生克承

家教好善樂施適歲飢有以子質者燦予以金而還其子鄰里義之

熊鼎 字鳳池文學篤孝義胞伯貲產千金無子以外戚萬氏為嗣或調鼎爭之鼎曰產足自贍何過望焉况爭則傷

伯心而貽父憂吾不忍也悉置弗顧事父盡子道及卒築室墓側教授生徒朝夕供饌必往祭奠遇忌辰不食終日時節

盡禮凡二十餘年未嘗少懈又嘗過亭子舖有宋氏遺銀于途拾之坐待其人以還

余瓚明

字貞吉孝友純篤父年老患腹痛服藥罔效醫曰寒痛

潑溺器親梳洗朝夕不怠母八十卒慟絕幾斃弟逝婦寡二姪幼瓚明復合巹撫孤全節又堂弟家貧年四十無室瓚明為出金娶婦鄉里稱之

李

豹字又揚邑文學五歲而孤事母盡孝有隣人築室侵豹

故耳不復言強侵事由此奮志力學通易象詩書兼習諸子百家言豹持家精密自奉節儉養母甘旨無缺性義俠里人范姓因事連坐鬻子贖罪豹以二十金周之得免後范感恩欲售媳以償豹曰售媳與鬻子何異周汝之急豈望報哉

李煥龍

字吉士一字謙六歲貢生母娠十四月生二歲父亡煥

不忍分析嘗歎范文正公做秀才時便以天下為己任今之秀才何獨不然會憲令許下僚陳郡邑利弊煥龍因言幾道

四事憲俱報可生平性直行方教家嚴肅為一鄉矜式焉

李應樞

字文木四歲失怙伯父母鞠養之稍長孝敬備至伯父

乾隆元年 賜八品冠帶 恩詔

黃文簋

字用周宋黃魯直裔也性純篤孝友母疾七載湯藥必

親嘗喪葬盡禮歲時祭奠祖塋年雖老必親往焉弟文箕亦有名庠序識量過人時里役病民文箕獨請于邑令金公世福嚴行禁革至今利之

鄧志偉

字魁陸邑文學性篤孝親塋之日志偉年已七十猶廬

墓三載生平修橋砌路修理隄堰未嘗少懈會索負見彼家貧即焚其券除輸賦外屏跡公庭日惟與子姪講學至老不倦焉

何士相

字子信邑文學叔一渚家厚無嗣納疏房弟安庶承祧

或日以弟嗣兄倫理不順子親姪奈何以分內家產令他人得之相曰家產小事若違叔命是傷叔心矣後一渚卒喪祭引為已任家貧悉與安庶有佃通租數十石願以子償

相焚券歸其子所負
悉置不問聞者傾心

周

俊

字子雅年二十父聖弼歿晨夕悲號墓後遇令節必往
哭于墓時諱弟幼雅延師訓課不惜私囊弟有不率輒
涕泣述先訓責之生母年八十患痰疾臥牀四載俊伴侍扶
持雖寒暑勞瘁未嘗少懈及卒觸棺慟哭後次弟年四弟生
相繼貢太學皆
俊訓課力也

曹之炯

字大章自幼喪母後母性嚴之炯奉事唯謹見之焯痛
母早逝廬墓二載為霜露所侵成疾疾之焯于一切家
務獨力支撐不欲令之焯勞瘁
邑令李存德高其行舉充鄉貢

楊宜生

字子佩貢生性純孝髫齡失怙每思及則奔號塚上事
母先意承志舅氏貧周之不吝鄉人林姓者嘗蓄妻養
母宜生遂如所嚮數償之俾復完居乾隆三年邑
令黃增暨保舉孝廉方正 恩賜六品冠帶

熊士駟

字天牧幼失怙事母備極敬養生平嘉施子有隣某因
貧鬻妻士駟出穀粟全之乾隆十四年舉充鄉飲俱賓

熊吉選

文庠生母蚤世繼母氏丁撫選若已出選父卒後繼母
孀居選敬事不異親生教授生徒束脩悉納之母不取
私家居朝暮不離母側丁卒悲慟呼號葬後廬墓三月孫翼
亦賴繼母田氏養成翼之事田猶是選之事丁也邑令李賜
以額曰
孝義

潘士洪

字左海一字素廬文庠十歲能文性曠達不屑屑家人
生業有語以置田宅遺子孫者輒應之曰昔人有言子
孫賢可師吾儉不賢從為勢家所奪曾出繼伯父道登為嗣
事道登生死葬祭罔不盡禮道登有遺產悉與諸兄弟分焉
本生父璉登任零都訓導致仕洪隨侍養孝敬不衰人謂其
於繼父與所生父兩無所憾工書法年六十餘猶手錄左傳
八大家文以課諸兒筆力道勁其周郵鄉里排解紛難尤為
邑人推重

陳醇儒

字彥韓父衰老怯寒醇儒以身溫被終身罔懈母患癱
疾扶持三載執喪甚哀有叔病狂子在襁抱忽于暮夜
持券投之醇儒密為收藏俟其子稍長悉還之無隱邑令顧
錫鬯高其行舉充鄉飲俱賓

劉振古 字如慈 父母相繼卒 哀泣三年 不御酒肉 與仲兒共處 四十餘年 苦力成家 仲兒卒 撫姪燦 教養尤至 乾隆五

年 邑令黃增 歷舉充鄉飲僕賓

但 彰 字顯若 八歲時 入家塾 聞師講論 語問孝數章 歸家 卽書無違 保身敬養 色難八字 于壁 見者驚賞 父沒 廬墓

三年 母嘗跌仆 幾死 彰夜焚香 稽首北辰 祈以身代 母卒 無恙 後又沾瘋疾 臥牀不起 彰晝夜侍奉 衣不解帶 者數年 母

歿 復廬墓三年 年四十外 有室 六十生子 道儀人咸謂純孝之報云

熊祥 塾 字御書 邑文學 克盡子道 父母相繼沒 廬墓六年 雖除夕元旦 嚴寒酷暑 亦不懈郡守劉炳旌其門

王德 瑞 字瑞卜 三歲失怙 十九歲以母疾 竟瘞疾 割股和羹 祈以身代 母疾竟瘞

劉勸 任 性純孝 父母歿 哀泣經年 及葬 築室墓旁 手植松樹 千株 尋以病卒

張士 中 字允恭 歲貢 事親以孝 聞昆弟有 四仲兒之嗣 喪葬之需 中獨力任之 後授廣壽訓導 在任十二年 課士有聲

捐俸倡修 支廟年七十八 卒於官

易鳳 翽 字祥瑞 性凝重 不苟言笑 事兄恭順 唯謹 家素豐 守分循禮 訓子弟以節約 遇人緩急 輒解推無德 色有貧不能償 其負者 取券焚之 邑令嘉其行 舉充鄉飲僕賓

陳大 儒 字茹萬 性至孝 幼失怙 母孀 居事之唯謹 皓首 麗眉 不離母左右 猶然孺子 慕也 及沒 哀毀骨立 閉坐 涕泣 沾襟 叔乏嗣 家費千金 大儒有子五 應承祀 大儒曰 吾不忍叔有貴而無後 人又不欲以吾子而貪叔 貲 遂擇堂姪之貧乏者 以嗣 大儒父曾分田十數畝 與弟以爲膏火之資 後弟學成 欲返其田 大儒曰 父志也 田不敢受 里人通租積數十石 將鬻妻以償 大儒聞之 悉免其欠 且贖其急 里有吳胡二姓 爭山數十年 不決 大儒力爲解勸 至今無爭 乾隆三年 舉充鄉飲僕賓

附 義 僕 鄉飲僕賓

附 義 僕

周

五

周聖弼僕也 國初遭亂賊亂聖弼年十歲母譚氏不受汙而死五負弼匿深山日則取野菜充飢夜則解已衣以覆弼賴無恙賊過歸家收葬主母經理家計維持調護俾得長成疾革告劑曰老僕心力已竭令將事老主于地下矣言訖淚下如兩而卒

以下續編

胡安榮

有身人幼通經史負性豪邁景泰乙亥歲歉出粟六百石付賑有司聞於上詔命立石旌之天順間捐金改修文廟成化丁亥歲旱朝命勸募授官納粟五百石例秩七品宣義郎他若廬山鑄崇福寺大鐘塑寶林寺神像類不悉載

周式穀

國學生幼孤食貧長計漸豐憫嫂苦志柏舟時助薪米俾坊其節撫姪季冕明經賓于鄉通財窘不責償里火災饋食三日邑有大豐堰每歲解囊以營濬防至今人利賴之孫之蓮中癸卯經魁

文履嵩

仁慈無阿曲伯兄亡課姪補庠生家塾獲賊憐其貧資以鈔而遣之終不泄于人其人後亦知義出行遇虎虎旁避旋傷後至者子與孫俱列邑庠

李加儒 字允毓 邑庠生 父早逝 母疾篤 醫藥無效 嘗糞求治 母病越數年 母亡 廬墓三年 嘗居詞源草堂 適路有遺金 拾而待之 及晚 有老婦攜子 而前 徇其情 與之又輔修 邑乘培植 橋梁 士林 重之

周定柏 例貢生 溫厚 容物 家非素封 而好行 任恤 事曾獨力 創棺於 死不一事 比隣 木工 挂某 染疫 疾亟 將嫁 其妻 以治病 有成 議矣 定柏 力在 醫藥 飲食 卒全 其夫婦 後生 三子 前本 郡太守 顧錫 嚶嘉 其尚 義類 以旌 焉

李尊榮 篤於親及母 年八十 時榮已六十 食必視膳 膳必親進 湯藥 必先嘗 母沒 廬墓三年 逢忌 親莫於墓 至老不衰 邑令 何琨 煌徵 為鄉 賓 孫曾 多列 贊序

文制書 性孝友 束身無情行 溫清定省 無日或間 為父吮舐 惡釋而後已 父臨終 謂曰 汝孝道已盡 我死無泣 書至老 猶有 蕭慕 有觸 輒泣 如嬰兒之無常聲 焉 兄子立嗣 堂寡嫂 范氏

書捐田以助 繼產 年八十 三歲子星耀 補邑增生 熊繼志 字國英 邑庠生 好讀書 經史外 岐黃 青烏 靡不涉 獵 門庭內 寂如也 生平 無一訟事 無一足跡 公庭 邑令吳子魁 稱為 澹臺先生 贈聯云 金字行間 題太乙 白雲深處 咏喬松 九十餘 卒

李鼎 監生 父時巍 邑增生 晚年多病 鼎湯藥必親進 園器必親洗 歷十五寒暑 父沒 哀毀 骨立 每忌日 墓奠 輒涕泣 而返 族有喪 不能舉 具殮 殯禮 葬之 里有負債 不給者 卽焚其券 嘉慶丙辰 舉鄉飲介 賓 享年七十有三

王福鈞 家貧 授學 族中子弟 貧不取俸 並資膏火 歲暮 改館 途遇鬻女者 出俸金 以止之 里有相爭 幾於成訟 者 輒賒酒 饌 集鄉鄰 務期二比 釋然 始安 又族拚山木 私以金意 族長也不受 且斥其非 耿介 好義 如此

王德漢 慷慨 好義 鄰邑有鬻去 族中母子者 漢廉得其情 毅然載之 歸衣食 數年 俟其子婚配 而去 毫無德色 生平 行事類此 子謙太 學生 勳 邑庠生

瑞昌

鄧學增年十八時父病篤奔走求治不起乃夜禱天求以身代也後數年母患足疾增扶持抑搔不離左右十數年如一日鄉里稱之

黎獻臣國學生父虎文年七十陡患重症醫告不起臣痛心疾首廢寢忘餐晝夜號泣齋禱天地願以身代如是者旬日父病竟愈又享七齡性嗜學尤深于易年逾七十猶有觀光志焉

萬相榮東山坂農民父沒兩兄前母出榮母氏簪櫛沐飲食榮隻身奉之無旁貸母病思魚囊無錢求于河莫得乃得尺鯉于田中又思鱉于稻草中得之兩次食母病俱已土屋一椽薄田二畝力不能娶惟竭力事母無他求母現年八十榮亦六十

湖

明

周世英

元末與弟世雄同被執於流賊英詭言家有藏寶乞釋弟取獻之私囑弟勿復來已願獨受其害後流賊被官兵衝散英脫而歸享壽八十有一卒於永樂元年

沈必璞

九都民家富多積穀景泰四年南直饑載穀千五百石賑之有司以聞勅旌為義民

張文獻

字道徵別字全虛邑庠生父母早喪事繼母王氏甚謹授徒養弟妹竭力婚嫁正德七年流賊劉六七突至其家獻以母疾不忍去賊感其孝遺以金提學周廣巡撫陳洪謨皆旌之

龔

琳性至孝母柳氏同知拜傑之妹三十而寡遺腹生琳家人欲奪其節誓不從琳克承母志奉養甚謹母壽八十

卒琳創茅菴守墓三年不歸知縣黃傑旌之

工

志

湖口

楊

椿

性至孝母卒結草廬墓三年不歸適蟻穿母塚日夕悲號忽迅雷大作擊蟻斗餘人以為孝感後應嘉靖十一年

年貢以孝擢溫州府教授

張

在

別字廬山庠生事父母至孝初在弟位蚤卒父泣念不已在日弟雖亡尚有在存父曰彼庠生也能無思乎時在年已及壯始下帷讀書已果遊泮以慰親心親亡廬墓有斷藤復生之異隆慶五年巡按御史蘇朝宗旌異之廬山集見藝文志

在作也

伍

訓

字子承其先七世同饌至訓益敦家法一門恩義益然知縣汪明優以賓禮事必咨而後行凡公署建置悉委焉訓亦輸貲以助子傑俸饒有父風兵備道劉可親表其門

朱

染

字貞白別字松峰竭力事親孺慕之念至老不衰為人恂恂長者鄉黨稱之巡道陳洪濠按察陳禹謨獎賜粟帛焉

伍子孝

母陳氏病危幾死割股和羹以進病遂痊年八十卒子孝號泣廢飲食竭力殯葬崇禎八年詔建坊以旌之

孫應龍

字見田初娶瞽目妻或勸之易答曰我棄誰受負心即負天也且幸有子矣忍乎嘗中乙榜後考劣督學嘉其行曰此可風也得貢任合肥訓導有勸娶貳室者終不聽

聞聖道

字宏宇髫年遊黌涉歷羣書遊其門者多科名士萬歷間大旱賣妾以養母及兄弟姪又以館俸活親隣施醫埋醫知縣陳嘉言詳請旌異

張存心

五歲喪父崇禎七年母陳氏病危潛剖其股烹以食母母子昏迷中忽叫曰汝剖股救我耶汝父纔告我汝誠心感格延我壽三齡疾遂愈果三年而卒存心寡人子不見稱于當時偶以訟詣府庭太守張懋謙聞吏呼各遽起立詢之得其狀乃檄縣廉實而旌其門曰孝思格天或以其姓名與懋謙之父同或又以先期見夢于懋謙故然聞者咸以為

感異

胡經邦 字道卿別字理陽邑庠生素有學行讀書授徒外一切

支德高其品薦于學政侯峒曾獎異之

殷思親 與繼說繼序饒元長俱邑民崇禎十四年大饑三殷立

之 詳旌

國朝

吳一哲 三都民母病諸藥弗效默禱于神割股以療病立愈次

治三年知縣黃基昌申獎之

吳之達 字用之邑庠生九歲時母病危潛詣城樓割股燬地石

後長未有室其隣替女無聘者之達歎曰無後不孝之大誓何傷焉恬然娶之生二子

周澤宗 字以親五都民母蔡氏病危遂瞽兩目澤宗割股為羹

兄自甘貧乏初澤宗童時父柩在堂順治乙酉兵躪其地澤宗懼為所火痛哭丐族人奪柩出甫出而烈焰作矣族義之

遂以永禁祖壟葬其父當道數旌異之

張孺子 隨父刈蘆洲中虎突出掠其父孺子追及之以杖迎擊

子就旁俯首視父不復知有虎也父療治月餘而痊知縣喬林獎賞為之傳

劉春嘉 字毓芳郡庠生母病朝夕侍側藥必親嘗及卒辮踊踰

蒙上臺獎異

王大鵬 十二都民母病衣不解帶蟻蝨可掬母卒哀毀成疾父

二子可讀書奈貧無資何鵬曰無憂也有鵬在于是任仲弟薪水耕鋤之勞而質衣給季弟試費得卒業為庠生侍父疾

如侍母父且死援筆草遺日賢哉鵬男孝心篤至承歡祇事終始靡貳疾苦病垢夙夜勿替爾之子孫亦復如是唯賢有後默佑無既隣族咸稱王孝子知縣喬鉢獎賞之

汪應祥 二坊民樸魯無華言不達意乙酉四月朔左遊圍城急女皆自縊具衣棺殯之負繼母踰城出遇賊遊騎亦莫之傷也順治二年闕縣公舉孝行

沈仲甫 本姓左名英芳好善樂施邑南江家橋先經鄉民王一再勞家渡堤崩行者病涉仲甫贊已竭遂披緇鳴榔募鄉里捐助又聞參府王之任好施予詣府門結跣露坐乃得重金以告成功又建董家橋又創亭于蔗布街施茶以憩行人餘不可枚舉知縣范之煥暨之任咸獎異之

張啓燦 七都民年三十餘喪妻欠不復娶或問之答曰妻與吾共甘苦有年矣且幸而多子何忍更娶其他行亦有可

陳性用

字真初郡庠生七月失父及長追慕每忌日未嘗不鳴咽流涕也事嫡母楊生母鄭並以孝聞母卒哀毀骨立

每一號慟聞者欷歔性好施子屢焚券歲大禮捐粟以贍隣族施棺以殮道亡都昌土賊寇村落官軍往勦良民未辨者多見殺副帥余起元素聞其義致之軍中咨焉所捕悉委驗之全活無算隣人楊某旬日遭人命之誣者三當事怒欲抵法竭力為援卒出其人手死生平無疾言遽色與小子處如對長者里有爭訟一言出無不欣服一方化之他如建橋梁施膏劑之屬尤

聞聖兼

字三益歲負謙和謹飭篤于孝思兄早喪事嫂撫姪敬愛有加不棄瞽妻修蘇觀隄施勞家渡建亭于渡南以

休行旅知縣陳文德延教其子康熙三年知縣范之煥舉德行督學至日藻優獎之

周仁經

字文學年十三喪父不飲食累日終制未嘗啜笑也長代至割股肉以進而母已終不起矣泣血悶幾死及葬結草幕側服闋猶不忍歸復居十月乃歸經故農家流而四年中

未嘗一受妻子之饋其知義如此前孝子澤宗經之祖也其父昌松亦割股療母病三世皆以孝聞

潘啓允 字嗣先四歲喪父事母吳氏克孝母病湯藥罔效割股療之遂痊後以無疾壽終啓允哀毀如制知縣梁澁之

匾旌

彭成虎 字維从三歲母亡事繼母維謹父再台病篤割股進湯延年七十五而卒終喪不嘗甘旨康熙丙申大饑散穀

以貸族隣未嘗籍記雍正丁未又饑命二子名英忠按族貧無糧者計口給之後凡屬貧欠悉焚券

吳舉鼎 十三都人孺慕性成怡養迎志雍正四年居母憂絕水藥數日以父命始食糜寢處不離柩也無何父患噎購

治百方不效遍索乳哺之兩載不解當是時解顏以紓父默泣以念母聞者心惻父歿同與母厝于三賢寺側借其季廬

墓雖甚寒暑經帶不除比歸髮鬢然被兩頰矣自是每朔望生息哭奠如新年四十二舉于鄉越二載卒

董家修 孺慕時切菽水常新慈母抱病嘗顛天而割股嚴君寢疾幾捨地以捨身知縣成文和匾旌之

吳叔昭 年二十五喪妻一子甫四月待哺甚急而家又頗饑族

淵力勸卽續叔照自甘劬勞誓不再娶饒居六十二年壽八十有六

徐心樂 字能育少孤事兄如父同爨五十餘年兄嫂既歿撫五

姪如子皆為之婚配其內兄死遺二孤內嫂病且危付支券並金一封囑以後事及其子成立悉還之金封識如故

其子與族人並不知有金也家無餘貲輒以所有假人後亦勿問嘗謂子姪曰寧人負我勿負人吾早歲廢

學汝曹不可不勉長子步吉以乾隆癸酉舉于鄉

以下續編 蔡浩 字義夢別字匏歲廩生學務樸誠持身率物一秉公直

嘗館於汪氏汪兄弟構訟數載浩責以大義汪感悔和睦如初有吳姓夫婦反目至願離異浩力為勸釋始復完聚

子薦芹彬本孫覆孔劬孔斲孔燾孔斨皆能以詩書承其志沈俊繁 幼居城內母萬氏染疾百方無效乃割股和藥療之遂愈又嘗于路旁偶拾遺金者尋得之願

與不分辭不受詢其姓字亦不告其僕張三老俊七歲時左
兵陷城賊虜其妻不暇顧昇刃觸火負俊與俊母奔赴鄉營
內遂得全論者以為俊之孝義固可風而三老之忠義亦可
紀云

蔡元初 字完赤性渾樸好施與順治壬辰大旱次年春人多瘠
幼子庠生騏孫歲貢利璋皆素有義舉賑荒救飢人以爲能
繼其志云

周植 字正字別字板軒由庠生入貢父享高年問寢視膳晨
昏同閒遵疾親嘗藥湯前後居喪皆廬墓側倡修
廟捐輸多金精岐黃術活人甚夥貧無力者施藥不計其值
遇歲歉必蠲免田租今身受 贈子受 封可謂食報矣

周仁模 監生字紹美別字石樓承繼母曹氏善病嘗在床褥橫
侍湯藥日夜罔怠母沒足廬終制乾隆戊辰大饑及甲
中大水皆憐貧貧穢租馬子厚炳厚軸俱從九品厚輻歲貢生
鄉飲正實厚軒增生孫遠俊優生濂附生

蔡宗龍 字揮霖刻意孝行親沒居廬守墓雖疾不飲酒食肉不
內養者三年嚴課子姪遇忌日必率拜奠前論以先人

教讀之誠後子孔時叨鄉薦姪孔易捷南宮人咸以為庭訓
所成云

梅方馨 字純士別字和村監生事繼母以孝聞佃戶有欠租無
奈者轉子以錢穀除夕凡親戚貧者必分以錢米每歲
如常至橋梁無不踴躍襄事
子尚松中辛酉副榜

李學隍 字聲雍凡父所代借代贖之券悉焚之歲底薄暮有借
宿于祖堂者衆見其人病且飢懼其死而貽累拒而不
納隍獨留之給以飲食床褥其人得更生焉隍與妻柳氏各
八十餘歲卒長子照王子舉人

周梁 字廷幹別字栢臺事母極得歡心事庶母亦如之弟少
二歲眼食與俱易服而出協力同心白首如初子厚軒
厚軒厚輻厚輻孫
遠驥俱庠生

柳禮記 字垂模時年將五歲即解扇枕温衾稍長讀父母惟其
疾之憂旬自念雙親年老生已一人刻刻以守身為務
居喪哀毀如制宅邊有津梁捐修數次而不勒諸石嘗承筓
社倉有貧而負者不忍稟追甘自賒補子星煌 恩貢

陳公漢

字西載事後母如母後母弟二漢為之擇師教讀聘室完婚盡力任勞無所不至子禮生員嘉瑞廩生

饒夢鶴

字修齡別字集松優增生鄉賓親疾顛天恐以身代處兄弟友恭倍至里有鸞妻償債者解囊以全其家歲暮

有欠租不完者念伊親老免之并給穀他如歲荒捐穀歲暮散米道路橋梁修理無不盡心子驥監生馴優廩孫貽琛生員

梅英五

父抱病四月湯藥必親嘗既而母患瘧三年服藥無效遂割股以創之乃瘳

蔡國華

字煥斗姪孔時領鄉薦生子及朝廷免糧之年皆減田租丁卯歲荒捐銀三百兩買穀付族長給散貧戶迄

今時為義穀四室同居八十人無不遵約束者子孔陶孔瑞孔鐸皆生員

鄒思賢

母患火症醫藥無效賢乃泣禱割左臂肉以救母病頓愈

劉學緊

字嶽五別字芸軒事父及兩繼母以孝聞里有逋租者將鬻妻以償輒法劣獨其和嘗修家譜族有欺誣一富

戶者不與通宗學緊極力調停其人德之報以多金不受後補萬年教諭年六十四卒子振大鵬孫為浩俱庠生

洪邦冕

字憲周別字鏡川庠生族有貧不能學者給以紙筆不取修金有歲暮窮迫者嘗以束脩分之已雖無隔宿之

儲勿計也事母克孝謀子甚嚴一生足不履公庭而排難解紛終其世間無構訟之家子監生贈君學魁孫宗訓舉人

郭業翰

字鳳池別字西園優庠生正直端方遇事排難通族畏服而訟自無家故貧好義急公歲饑必勸本家殷實者

量力給穀已董其事接戶給口糧者數十日族賴以安子開瑞增生嘉瑞副貢

徐慶定

監生慈孝性成事父母先意承志伯仲早喪獨力扶持教養四十餘丁四世同爨無間言寄居小池口謝灘鎮

該鎮南北通衢也前人所修道途僅數十丈後來崩坍慶定念行人之多艱獨力修六百餘丈約費八百餘兩

彭嘉性

進士錫璜第四子也年十四父沒藉草臥柩旁四十九日每夜哭聲徹旦倦一夕假寐壁間燈花落草際衣褲

盡着板壁皆焦性夢中似有人推搖驚醒見火亟呼家人性恐自身一動火必上炎仍堅卧令眾母慌以水澆之火熄編

體沾濡病月餘乃瘥癸酉冬母病嚴寒大雪性衣緇袍親湯藥不解帶者七十日夜目腫手裂旁觀惻然性亦不自知也

補

蔡芬 字青箱一字裕齋歲貢生性耿介不苟父歲貢利見卒

詩子照堂附生孫湖麟歲貢亦遂學善文克紹家學而造就後進尤多曾元訓謙志風俱入岸

周之會 字樂胥號靜亭由附生入國學乾隆間舉鄉賓嗜學植品好義恤貧至老不倦鄉里推重之

彭澤

元

李時 嘗冬月母病思得魚羹時携筌求諸港終日弗得伏地痛哭俄有老叟問其故曰傷哉貧也乃導之一港曰此

宜舉筌遂得鯉歸作羹奉母病即痊今名其港曰母鯉港至正壬戌詔旌其門

黃貴 字天錫號曉厓由貢監任徽州縣丞少居父喪鄰家失火延燒將及貴一無所顧惟撫棺號慟哭聲動地眾

憐而舉之火尋滅

明

時邦曉 性喜讀書輕財樂施嘉靖甲戌歲大饑疫道殣相望曉為賑貸不責償出洲地四千畝給牛種令親友分種歲

稔亦不取租其子大宗萬歷己丑歲被遠近求糴曰吾積穀以備荒也豈為值乎亦各給穀焉

山工守志 卷之六 彭澤

王守中

字一道號繼存割股愈父疾母喪廬墓三年朝夕奠祭如生適豫之變縣不守守中推牛瀝酒飲眾為盟主殺

賊擒二渠魁餘分竄鄉人賴以安有友讎某者三子皆不肖一日携千金授中曰唯子可託故相累以養衰年有餘子自取之盡歸忽暴卒二子方爭不已中聞即負金還之二子咸嘆為改行生平潛修不求人知別號不欺以自勵云嗣鄉賢

劉克仁

字木心早失母事父善色養執喪如禮結廬墓左朱草生羣鳥集大中丞朱廷聲奇其事撰主爰說遺之仲子

鑲亦以父之事祖考事父人謂劉氏世孝

周禮讓

字我華幼孤事母孝年七十常作兒舞以娛親口不言老聞邑公舉其孝屢與鄉飲歲祿捐廬賑乏稱貸者輒

焚其券有鬻妻者代贖之子易元登賢書

陶榮

字貴顯厚重簡默事親孝親疾必親理湯藥四時新味親未嘗不敢嘗親喪哀毀泣血及葬廬墓三年不脫衰

經居繼母祖母喪孝誠無間

劉仕禴

字維時父疾晝侍湯藥夜清枕席奉繼母章氏無間言章前夫子竊金家人言之禴若弗聞曰失母懽心得金

何益耄年扶杖登邱顛猶潛然泣下死之夕懽然曰今得侍父母地下矣

畢泰

號舒菴性篤孝壹志溫清不求聞達父卒朝夕哭踊幾至喪明母喪廬墓虎至不懼歲祿收養族人之乏食者

壯未受室貧不能讀書者咸依助焉

段堯服

邑庠生娶汪氏善事舅姑堯服硯耕江址歲一還家賴汪以紆內顧已而汪卒堯服年值壯感其孝不再娶督

學侯按試極加獎賞

歐陽舒

號龍橋性溫厚有行誼歲捐租給貧宗族有難婚配者各資聘金并無德色

計如週

字子郁家素饒豪俠好義值鄉里饑為粥賑濟三月賴活者多邑令雷時敏表其事于巡撫楊成旌之

何彥彰

字景光慷慨識大義河泊所舊有逆沙夾額外魚課河水漲涸靡常而鈔課征求足額民皆苦之彥彰獨毅然

上請宣廟詔免其租人恒德之

劉世揚

字汝登敦孝尚義患邑戶多虛糧遣負日衆訴當道舉丈量均賦役民獲以安

計瓚

字君錫剛直敢言請免縣前洲課除餘條木諸費軍民懷其德

畢瓏

字士寶孝友信于宗族鄉里有爭多取平焉課子讀書尊師友始終無倦

國朝

萬珍

字君玉賦性醇篤疏財重義昆季三分居已久兩弟家漸落心傷之日何忍我有餘弟不足也爰出已產再為

分助年五十未舉子明季兵變虜一少婦嚴氏無所依人勸珍納為妾珍再四問婦以親夫告珍憐之不忍犯養為已女

後婦母家訪得欲携歸不許恐其利所有也因出數金令招婦夫親領國朝順治二年親夫于審仲果至婦語以故感

謝不已且贈盤費遣還人稱爲情男子

汪之淮

字會沂邑庠生性喜書籍時左寇焚民居至淮室見積書充棟不忍焚生平以篤實自處雖饒于財無驕人之

態常分有餘以濟人急積券盈箒不償不問也晚歲以遺書課子孫戒勿市利而失忠厚之風至今鄉里多稱之

周易元

字長文號髻岑登甲午賢書學正守嚴性尤篤孝早失怙泣血廬墓邑令董襄司理胡宗虞皆旌其廬後仕宜

春教論

時道明

府廩生性至孝舌耕養親因父食茹致疾泣墓三年終身不復茹茹母病衣不解帶者七晝夜初聘殷氏女未

嫁得不瘳疾殷欲易婚道明不允至殷死乃娶館宿松拒私奔女有貸以貴者聞讐婦卽焚其券更贈之以金縣令董襄

旌其門

沈壽兒

凌伯權妻之前子也八歲看演葵花記感刲股事越二月母病壽兒禱于天效其狀密割臂煎以奉母次日創

甚不能起繼母問之給曰臂患癰欲視則墜覆被卧少間再問則曰痊矣忍痛侍母如常時明年夏脫衣見癰母大驚壽

彭澤

兒佯對以前病癰母熟視泣曰得毋吾病時割股耶凌曰若赤子何曉此壽兒不得已以實對

陳以思

陳其位子也嘗割股以療父病後其子生員陳復亦割股奉以思孝子復生孝子可以徵天道焉

汪懋映

縣令董襄舉其孝司理胡宗虞旌之

曾立羣

字宗乾三歲失怙事寡母以孝聞庚寅赴考道聞母喪跣足匍匐走十餘里號哭不絕聲抵家水漿不入口者

三日母葬居廬三載與兄立用食必共席兄或外出日斜未歸必迎至中途後中癸巳科舉人

何邦準

字聖音幼失怙母教之學即知自勉長補邑諸生一日母頸患毒鍼藥莫施準口吮膿血五日而愈及母卒茹

素三年生平仗義有肝膽時邑有里役遞年諸弊準力請革除至今稱便又有同里某家貧極尙累虛糧三石比追幾弊準憐其無辜為遍請前買主攤除若干餘悉代賠其好義篤孝之誠如此

計大衍

字易象天性純孝竭力事親身抱病猶扶杖詣寢門問視臨終囑子婦曰爾善事祖母吾得瞑目矣弟兄四所

共田產但取荒蕪人稱薛苞之亞

葉本和

字次惠事母周氏病幾危和夜禱請以身代割股和藥母飲得愈及母卒廬墓三年

計必達

字又逢庠生天性孝友母病侍湯藥衣不解帶兄死鬻產以殯又分貲給寡嫂有古人風

曾宏建

字象文幼失怙家極貧事母孝忍饑寒以奉甘旨及母卒哀慟久而弗懈身死時囑子曰吾母備嘗艱辛未獲

厚葬今家雖少起爾等當以吾之葬父母者葬吾慎勿稍厚彌留之際猶倦倦不忘如此

凌志慧

性孝事親色養不怠子欽拱克承父德侍疾居廬無所修飾鄉里具請縣令劉進贈以一門雙孝額

易宏觀

字颺生歲貢生性孝年十三父歿哀毀骨立母患痰疾觀口吸代吐母卒葬荒郊結廬墓側作有居廬詩

畢增輝

字襄庭邑增生性篤孝以訓蒙養親雖貧甘旨必備及親沒執喪三年哀如孺子每逢忌辰必備酒果以奠丁

己元日母柩火延輝拚力護救抱棺而死聞者傷之

丁蓮

字茂寵家貧為諸生不屑屑于科舉之學以行已敦倫為本嘗讀詩至相在爾室躍然起曰聖賢提耳之教莫著于此門堂戶牖皆以四字銘之自少以孝聞父歿居止常依其母後居母喪露處墓側晝夜攀樹磨石而號逾月終沒知與不知皆哀之

時至

字建五邑庠生家世業儒父早歿每讀父書必涕泣母老多疾侍湯藥衣不解帶倦則依床而暝母憐之日兒不堪矣復改容承之母故廬墓側三年以哀毀致疾臨沒以交手輯先儒格言付子其終身思親如此

饑卵均

農人也母病痿痺涕洟交流見者輒唾棄去卵均每食與共二十餘年弗覺也母死過墓必泣徘徊依戀如孺

子之在膝下焉

朱允侶

幼失怙與母相依母病篤允侶祝天割股和藥以進病日吾兒歸矣旋發癥痕而死享年八十

汪鵬

字敦誠岸生賦性孝生母早卒每言及即痛哭父病竭能得歡心臨沒出館資十餘兩囑妻子曰留此以養吾母遂瞑目

周汝金

性孝幼喪父哀毀幾不起母病癰二載金口吮膿血母死斷暈茹素者五年

王桂

字字瞻邑庠生性嚴肅不苟笑言娶妻相敬如賓年二十七妻故一子數齡有勸之續娶者則婉辭謝曰吾幸有子可以已矣日則授徒夜則侍父潔居三十餘載邑令李松泰特嘉獎之

曾拱章

字共玉邑庠生少有志操動履不苟嘗為鄉里平訟指示之曰此陷穽也人以為名言族有祭田所入一秉拱章歲貸之秋計息歛焉款則停息十有五年所貯粟約千餘石會歲大饑殍殍載道拱章出所貯以賑鄉人

歐陽煥旭

字浴旦正直慷慨重義輕財康熙十年邑大饑煥旭糴米數十石煮粥施賑本鄉

劉根漢

字炎甫嗜學好義康熙辛亥大饑煮豆粥賑鄉人三日又冬日遇覆舟者凍將死漢解衣衣之其人歸備禮致

謝弗受拜祝日願公子孫世世昌隆漢生子傳為名諸

項繼儒 字翼先弱冠有聲巽序康熙初役派里長糧無腴券重

施粥賑饑全活者眾甲寅土賊狂獠鼓勇捍禦殺賊地方

張啓時 字四如輕財樂義恩篤同宗惠及姻婭康熙丙申出粟

咸謂德之

柯炳煥 字讚文少孤長事孀母克供子職生平疎財好施于汪

卑頭洪湖石橋數處

田蟾春 字桂友敦善行喜周卹嘗遇窶人遺金泣于途蟾春解

邑有盛德之稱

曾遂盛 字大軌少失怙事母孝質敏嗜學尤喜讀易中歲絕意

錢虜耳周人之急救人之災建橋造亭費百金無吝色年七

高魁 字英萬邑庠生家素封謹飭自守慕義好施親於貧窘

斃者必施棺瘞

許殿邦 邑庠生性好施與惜災濟急雖傾囊不吝適抵南郡有

災殿邦出粟周之無德色

高士奇 字平六好善樂施康熙丙申歲饑士奇捐米施粥以創

汪潛 字元常少英俊喜讀書長補邑弟子員方止自持于當

者臨別號泣潛聞之得其故即解囊二十餘金俾得夫婦相

保越數日踵門叩謝潛曰惻隱之心人皆有之吾豈望報哉

劉道斐

庠生尚義好施康熙丙申邑大饑出粟賑貸全活者衆縣東烏沙坂地當通衢時多山水泛溢雲傾費造橋以利行人三都大泊湖夏秋水漲兩岸相距不辨牛馬雲捐囊以助舟楫邑令宋申詳郡守劉旂之

朱孔道

字聖由好施子歲饑捐穀以甦困乏嘗道拾遺金候還之遺金者分酌弗受鄉舉賓筵

高士前

字在瞻國學生慷慨好義乾隆癸亥冬民艱衣食士前捐米以濟飢者製棉衣百餘領以濟寒者時多賴之

袁元勳

字紀常天性孝友讀書貫穿經史尤究心黃帝素問之學負經濟才不得志遂假岐黃以濟世家世清白相傳

鉛華弗事為鄉黨法邑令吳士宏舉飲賓焉子三次學識最知名以貴贈處州同知

畢煥芬

字實右郡庠生孝友傳家詩書垂後至性剛方言笑不苟焚券濟貧士民稱之

凌應臚

性穎慧善屬文補邑增生足跡不履公庭生平存心慈恕無怒言忿色鄉里咸親愛之父母逝哀毀肯立手

折撫姪如已子九可風

歐陽映翰

字雲祥厚重少文治家一以禮法子孫數十人舉食長案分長幼坐內外肅然鄉黨晉接非衣冠不敢見

人以孝友目之邑令吳舉為飲賓子六五光緒庠生有學行舉鄉飲正賓

凌應拔

字居謙申庚子副車少聰穎因母患瘋疾讀書廢門弱冠補弟子員資硯田以奉親上有五兄早世撫諸姪恩

同己子嘗立宗訓三十條訓諭族人教授生徒以身體力行為要今彭邑士林中數孝友者必首推焉

周九穀

字孫貽郡增生侍母疾疾周旋調護久而弗懈宗族以孝稱穀愀然曰職分事耳何敢言孝又嘗拾遺金一囊

守失金者還之生不多齎行有雅度邑令劉進稱爲金玉君子

以下續編

劉名青

字匡履號樂泉儒士莘庵之少子也自幼奉養雙親善承意旨未受室而親已沒兩兄析爨青孑然一身拚擋

家務戚戚然棄舉業而以培植後進爲心年十八室張氏子歸一切經理出入張亦與有力焉青心地光明有膽有識嘗

子九可風

卷一

卷一

七

曰人常務其大者遠者又曰人非貧患貧而不學則不知禮
 義悲喪廉恥耳可以想其為人家不甚豐概然有任郵鄉里
 之意急者無不與與之亦不見有德色至於却金焚券不可
 勝舉和宗族睦鄉隣解紛排難尤稱為忠厚長者居里許有
 涼亭一夕風雪中有一殍死者不知姓名青買棺瘞之後其孫
 敲鐫石誌其家號曰涼亭君青居家嚴肅日以教子課孫為
 務先攜叢桂山房延名師督課詩書之澤青實啓之子長遇
 以府首為名諸生學先根柢一時知名士皆出其門奉之為
 敬齋先生次選援例入太學遇教四子韻黼黻綬皆入文庠
 時羨青門無自丁青時年八十餘猶及見之乾隆壬子科孫
 繼以增廩中第一名舉人詩文進呈 御覽數上公車著述
 甚多京師推為名元旋借補南康縣訓導曾孫開元開一輩
 皆補邑增生益以
 詩書世其家云

劉世楷

字廷謨號慎菴邑增生世居卓里身負異才而務為沉
 潛之學嘗謂讀書不通經史如無楫而濟江河居心不
 曉大義猶無炬而入幽室孝慈友弟忠信篤敬乃食之醯醢
 不可一日無也識者以其說為名言楷處家庭如對大賓未

嘗有惰容居鄉能任恤不為財吝歲歲捐貲賑濟州民邑侯
 高尚禮嘉其行以同拯疾苦旌之後建立家塾置義田教子
 孫讀書立品高又親製序文署篇首曰樂善不倦顏其塾曰
 月嶺子孫庠序相望以禮法稱於士林曾孫種桃由辛酉拔
 貢入仕元孫法
 賢弱冠登賢書

歐陽賞

字紹師邑庠生性孝友勇於學弱冠能文章有聲庠序
 間為人篤實敦樸常曰處世察察不如其渾渾與人惺
 惺不如其懇懇識者以為名言賞母程治家嚴肅年九十餘
 孫曾下列數十人每少失母意必呼而撻其所尊以故賞行
 年七十常跪而受杖於庭杖重則喜杖輕則憂或不杖必下
 氣怡聲柔色俟母怒釋呼起然後去故其孝行尤為宗族鄉
 黨所

稱

曾慰考

字思孝號靈堂世居彭澤九都喬亭祖心省歲貢生任
 臨江府訓導父宏緒拔貢生中式康熙己卯科舉人靈
 堂年甫七齡父歿事母氏最孝敬侍兩兄篤友于之誦刻
 志讀書學先根柢補邑庠生屢冠鄉闈未遇講家塾額以先

甲山房授經於斯陽陽然以承先啟後為念取詩書中及先賢格言手鈔成帙每日清晨焚香默誦天保以答

君恩誦蓼莪以答親恩其餘有裨性情心術者一一如之教子弟有禮法待人嚴正不苟狂放者望之自為斂容遇事平

以禮規以義從容勸導眾志貼然稱服不至構訟於廷鄉隣人心風俗之美競推會姓喬亭族生子三長選遇乾隆戊子

科經元官福建寧縣知縣次道涵歲貢生季選遠乾隆庚子科舉人官山東榮城縣知縣長孫守一乾隆丁酉拔貢生

由承新司訓陞南康府教授旋任安徽休寧縣知縣現任山西萬泉縣知縣長曾孫怡志郡庠生現分發安徽候補州同

其餘或列明經或遊覺序皆蠡堂培植之力也享壽七十有五勅贈文林郎

何瑾字瑜三號果園又號如菴乾隆甲辰歲貢孝事父母居長兄喪哭盡哀與人和藹終日振襟危坐動必循禮為

諸生名噪賢序務根柢之學于十三經皆手鈔成誦諸子史集詳加評點著有四子講義左傳類纂諸書手不釋卷歲無

虛日授生徒爬羅剔抉無遺一時名宿多出其門今江左池州守中翰

某敬禮之每商校文藝親造其間鄉闈三薦未售遂就職訓導責志以歿

汪在璽字辰玉號耐齋歲貢生性孝友淹貫五經有文名聖年逾六旬父泰交猶在堂父病親侍湯藥父死悲哀毀瘠

三載不食酒肉兄在璞早逝璽待孤姪如己子養育教誨卒皆成立初邑人袁學謨有名諸生中號為經笥每與璽講析

傳註自嘆不如後袁以五經成進士而璽患目疾遂明經終老士林惜之所著有金鍼集以子鑑畧貴贈修職郎

高雯字昇遠別字弁亭邑增生少喪母每忌辰輒齋沐焚香以報母恩讀書至子生三年然後免於父母之懷泣然

泣下朔望必肅衣冠問安於父榻兄弟同居最為友愛二弟故子甫六齡幼弟繼亡遺腹生子雯少則撫養長為教誨不

異己子也雯少穎異過日輒不忌邑侯李松泰取以冠軍有聲序序問每試文出人咸誦之無喜色既而屢困秋闈人咸

慰之愉如也惟閉戶讀書斂身正坐晚歲好子史手披口吟達旦忘倦作家聯云持已尊三畏存心凜四知可想見其梗

概年八十六

乙工守志

卷八

彭澤

五

歐陽汝顯

字起岩五歲失恃奉繼母以孝稱昆弟間友愛悉至性嗜讀弱冠補弟子員旋食餼讀益力致得咯血疾

淡於上進年四十餘恩舉明經惟課子弟是務嘗誨諸子曰凡人讀書非博富貴利達也讀書所以明理理明則知義

命庶無非分妄求之事爾曹勉之年七十餘選廣豐縣教諭汝顯以年老無意仕途因廣豐地近鵝湖素講義利人文最

盛忻然就道下車時進諸生勤講課嚴擇取以孝弟實行爲先單寒之士尤加意體恤士類感德慕行以文翁目之合邑

無間司馬胡公光祖時同寅推爲風範卓絕解組日諸生祖餞攀轅泣下汝顯爲人沉酣六籍下筆千言每試課輒列前

矛試文一出家吟戶誦至今猶寶愛之兼精醫理十不失一然以幣迓者輒謝不往卒年八十三子三人皆諸生孫曾輩

悉列膠庠不愧其家風云

袁大中 字篤忠少有文名爲邑增生初中父學謨家貧嗜學客

遊京師二十餘年始領直隸鄉薦成進士常學謨留京未貴時家愈貧幾無以度朝夕大中挺然自立不以貧累其

母正宜人賢淑益激勵之以故有聲庠序得爲名諸生後累試不售遂援例授光祿寺署正中之爲人也慷慨願名思義

由貧困轉歷豐亨都如其素嘗曰不能貧者必不能富以貧爲己貧以富爲己富必不能貧富者也又曰讀書之苦莫如

貧天下以貧而失學者誠惜乎其人也於是捐置義田族中貧乏者俾之學凡試場資斧

祖祠祭祀取給焉享年六十

曾述

字孔源邑庠生賦性剛直笑言不苟事父母極孝敬處兄弟無分畛畷好施與重然諾學宗朱程有質樸古

人風建置山泉書屋以爲義學藏書數十餘卷日以延師課讀爲急務值歲早分給積貯之穀賑卹困窮鄉人不戒于火

出貲力救贖人鬻妻終不告人每歲臘底其村有孤子無依者必計口分給寒衣錢米以贍之鄉隣咸頌不衰今子孫皆

成名

朱清晟 字寅畏郡廩生性篤天倫老猶孺慕父母卒哀毀幾絕

每至墓所必悲號終日不忍去其學務根柢訓子弟禮法森然家貧授徒於外每教之敦倫立品不徒拘拘於文字

之末以故遊晟門者率皆務本土卒年六十餘子師浴廩生

彭澤

彭澤

彭澤

彭澤

彭澤

彭澤

彭澤

彭澤

彭澤

彭澤

彭澤

彭澤

彭澤

彭澤

彭澤

七工守志

卷八

彭澤

三

高世俊

字又平號謙堂授州司馬性孝友幼失怙恃事祖母奉養誠敬祖母年九十四俊溫清不怠兄嫂早亡俊

懼沒大宗之產俾承祧有基愛弟如玉同友恭七十載生子入教以義方俱列膠庠乾隆丙午隣邑大饑俊賑粥周濟農

人某佃俊田屢佃未輸俊給食并與牛種使耕如故親友凡有忿爭俊賠貲勸釋力解其紛俊官理春衣書院陞師敬士

推重斯文三十餘年弗懈邑中大務每推俊首俊不辭勞瘁不避羣罵克底於成歷任邑侯咸敬信之

江

拔

字翠山號慮菴醫年補弟子員素以孝友聞父老倦痿痺行止不遂拔常負之宴遊族里以博其歡兄早故拔

撫孤姪如己出凡祖宗坟墓祭產多捐貲培植之親房無嗣之墓嘗為立碑使無或失拔為人寡言笑守正不阿常榜朱

子格言於室每月朔必焚香讀之家世豐厚而儉約自處見親族貧之者恒憐念周恤之至今鄉里猶道弗哀

計

偉

字國光號恕堂太學生資稟勁特氣節光明而充養泥粹無復圭角敦行孝友克抵雍和強恕之中若有成法

平居恂恂無甚可否及酬酢事故斷以義理則有截然不可犯者稀年寧沒之秋一方皆為流涕

九江府志卷十九

別傳

僑寓

仙釋

方技

人物孝義之後繼六別傳蓋星旌萍聚川岳生馨韻遠風

清名賢過化雖屬借才實增餘慕至若遠公蓮社入詩酒

之高人董奉杏林垂萬千之善果班史藝文神仙之外惟

醫在方伎范史則華管同傳後世乃并諸技附入可知天

竺非真幻境而小道亦有可觀若概從簡畧又覺乾坤小

矣因舊志所載附以新輯俟好古者博採焉志別傳

僑寓

漢

司馬遷

龍門人太史公談之子耕牧河山之陽十歲誦古文二十而南遊廬山觀禹疏九河

三國

程普

北平土垠人周瑜破赤壁普為裨將因家于華容後領兵駐江州之赤烏鎮卒于營葬鎮之東南半里許普孫顯文因徙依墓右子孫家焉

晉

高惺

廣陵人少孤事母以孝聞寓居江州刺史華軼辟為西曹書佐

周續之

字道祖其先雁門廣武人也過江右居豫章建昌縣人歲喪母哀戚過于成人奉兄如父年十二從豫章太守

范甯受業通五經并緯候入廬山事釋慧遠布衣蔬食終身不娶辟撫軍參軍徵太學博士並不就江州刺史劉柳薦之辟為太尉掾不就宋高祖鎮彭城遣使迎之禮賜甚厚每稱之曰心無徧吝真高士也既踐祚召至京師為開館東郭門外數幸問時號通隱

周邵

字子南與南陽翟湯隱廬山庾亮臨江州聞翟周之風東帶躡履而詣焉邵聞庾至轉避之亮復密往值邵彈

鳥于林因前與語還云此人可起乃拔為鎮蠻護軍西陽太守

劉程之

彭城聚里人也字仲思宋高祖號之曰遺民少孤事母以孝聞體貌冲遠虛心方外覽百氏得老莊旨不靡于

俗雖餒瘠在躬鏃矣當前晏如也嘗為柴桑令已乃棄之入匡山依釋慧遠居西林北澗上與雷次宗輩同修淨業辭薦

辟專心禪思研極幽眇

宗炳

字少文南陽涅陽人也性孝居喪過禮刺史殷仲堪桓元並辟主簿舉秀才宋高祖辟主簿及太尉參軍俱不

就入廬山與釋慧遠居久之還江陵三湖已而二兄卒孤累甚衆家貧頗營稼穡高祖數致餼資皆不受辟太尉祿太子舍人通直郎太子中舍人並不應悉圖所游諸山水于室壁曰老疾俱至名山恐難徧觀唯當澄懷觀道臥以遊之耳又目撫琴動操欲令衆山皆響耳

雷次宗

字仲倫南昌人也博學明詩禮不就徵辟立館東林與慧遠居宋文帝元嘉十五年徵至京師立學雞籠山數幸問資給甚厚除給事中不就久之還廬山二十五年詔爲散騎常侍又不就再徵至京師築室鐘山園曰招隱猶秉昔操不入公門每自華林入延賢堂爲太子諸王講喪服經

陸修靜

吳興人隱廬山簡寂觀從老氏教時慧遠陶淵明友善修靜與焉後羽化色如生謚簡寂先生遠送客不過溪過則虎輒鳴吼嘗送陶靖節陸修靜不覺過溪虎鳴吼相顧大笑世傳爲虎溪三笑○按宋樓鑰曰以吳筠簡寂觀碑考之修靜與慧遠相去久遠似非其人王禕經行廬山記慧遠卒于晉義熙十三年丙辰年八十二修靜歿于宋元徽五年

丙辰年七十二丙辰相去六十載推而上之修靜生義熙四年丁未慧遠亡時修靜纔十歲宋元嘉末修靜始來廬山是時遠公死已三十餘年靖節死已二十餘年安取所謂三笑乎或曰晉蓋有兩修靜也互見仙釋

齊

宗

測炳之孫炳在廬山時有宅在東林寺側已而東還其後劉宋時測亦自都下來居之魚復侯蕭子譽爲江州厚贈遺之測曰少有狂疾尋山採藥遠來至此量力而進松尤庠形而衣薜蘿盎然已足豈容當此橫施

梁

史叔明

烏程人吳太史慈後也少善老莊兼通孝經論語禮記尤精三元每講說聽者常五百餘人爲國子監助教邵陵王綸好其學及出爲江州携叔明常之鎮故江州人士皆傳其學

張孝秀

字文逸南陽宛人也爲安成王別駕頃之去居于東林寺性通率常冠縠皮巾臨蒲履執棕桐皮屨尾服寒食

散盛冬能臥於石上普通三年卒室中皆聞有非
常香氣太宗甚傷悼之與劉慧斐書述其貞白云

劉慧斐 字文宣彭城人博學能屬文起家安城王法曹行參
軍隱居東林寺構園山北號離垢時謂之離垢先生

陳

張正見 字見頤清河東武城人梁元帝立拜通直散騎侍郎遷
彭澤令屬梁季喪亂避匡俗山高祖受禪詔還都除鎮

東都陽王府墨曹行參軍歷宜都王限外記室撰史著士帶
尋陽郡丞累遷尚書度支郎通直散騎侍郎著士如故有集

十四卷

唐

陸龜蒙 字魯望舉進士不第遂放浪山水間號江湖散人又號
天隨子甫里先生嘗寓馬當山鏤石勒銘後人因為立

亭有詠萍詩曰曉來風約半池萍重疊侵沙綠芻成不用
臨池重相歎最無根帶是浮名讀其詩可知其高寄矣

李 白 字太白與聖皇帝九世孫當安祿山反自轉側宿松匡
廬間承王璘璠為府僚佐璘起兵逃還彭澤璘敗嘗誅

初白遊并州見郭子儀奇之子儀嘗犯法白為救免至是子
儀請解官以贖有詔長流夜郎會赦還潯陽復坐事下獄時

未若思將兵赴河南道出潯陽釋之辟為參謀未幾辭職
李陽冰為當塗令白依之代宗立以左拾遺詔而白已卒

李 華 字遐叔趙州贊皇人天寶年遷監察御史李峴領選江
南表置幕館卧疾江州其送李侍御序有云方理舟潯

陽追迹幽人雖病瘠齒衰而神王顛頓之中齋榮辱
一視聽是非哀樂無自入矣

侯 高 字元覽上谷人少為道士學黃老煉氣保形之術居廬
山號華陽居士與孟郊韓愈李翱相往來達撫為

楚州起攝盱眙祭酒李公遜刺衢州請治信安其觀察浙東
又宰于剡三縣皆有政不幸得心疾留其子狗兒於李翱家

而歸廬山不
到卒于江西

元 結 河南人後魏常山王遵十五代孫少不羈十七乃折節
向學天寶十二載舉進士天下兵興逃入猗玕洞始稱

元 結 河南人後魏常山王遵十五代孫少不羈十七乃折節
向學天寶十二載舉進士天下兵興逃入猗玕洞始稱

授營管經畧使身論蠻豪綏定八州民立石頌德

吳筠 字貞節華陰人通道義美文詞舉進士不中性鯁介不

十三年卒弟子私

李潛 不知何許人隱廬山嘗撰乙卯記

鄭善果 榮澤人詳職官宦蹟傳卒于

靳皇 清河郡人肅宗時為湖口石壁鎮遏都遊別使

五代

史虛白 字畏名北海人以中原多故隱廬山韓偓載薦之元

宗召至便殿訪以國事辭曰漁釣之人安知邦國大計

楊徽之 浦城人與邑人江文蔚詩賦齊名肄業廬山周顯德中

以甲科釋褐校書郎集賢校理宰相范質器重之太宗

歐陽敷 字華道鄧州南陽人漢隱帝間為中書舍人繼秉天雄

亂避居九華山徙隱彭澤筠塘淳化間卒遂葬於其

孫晟 初名鳳又名忌密州人好學有文辭尤長於詩少為道

士居廬山簡寂宮道士惡晟以為妖驅出之乃儒服北之趙魏唐

莊宗于鎮州莊宗以晟為著作佐郎天成中奔吳為相後使

宋

周惇頤 初名惇實字茂叔避厚陵藩邸名改惇頤世居道州營

道縣少孤與其母鄭氏依其舅龍圖公向居閩州丁丑

母卒卽葬丹徒縣龍圖公墓側後四十四年辛亥先生爲廣南提刑而水齧太君之墓及知南康軍遂改葬母於江州三起山後占籍廬山蓮花峰下有溪合於湓江取營道所居濂溪以名之築室其上卒葬於卿母墓左

宋

庠

安陸人父杞爲九江椽與其妻鍾氏禱於廬阜鍾夢道士授以書日以遺汝子視之小戴禮也已而庠生他日見許真君其像與夢中相肖

劉廷式

字得之齊州人娶瞽女既喪不肯復娶蘇軾深重之後監太平觀遂老於廬山絕粒不食目弈弈有紫光步峻阪如飛以壽終

蘇

庠

字養直丹陽人丞相頌之族也卜築廬山以琴書自娛與修水李彭齊名世稱蘇李少工詩父伯剛從東坡遊庠以屬玉雙飛水滿塘詞見賞於坡稱爲吾家養直紹興間興徐師川同召庠辭師川應命造朝便道過庠留飲甚歡徐奔素高於蘇是日庠拈弄子笑視師川曰今日還須老夫下此一著師川有愧色○按陶定蘇後湖過黃真人記紹興間

其年八十矣客有江宣贊者稱羅浮黃真人命與之丹一粒其一如豆色正黃曰須困篤服之後五年當再相見其後庠果之卒家人取丹投之遂復甦自是髮半再黑舊失一目亦復瞭然將卒之先一年冬十二月往茅山辭諸道侶明年元日張宴會飲達旦後披衣起曰黃真人至矣遽出門去其行如馳家人輩競奔逐及之乃立化

柳

勛

字公渙其先河東人徙居廣信登元符二年進士仕河南參軍疑獄立斷諸廢皆興卓然有聲時徽宗惑於靈素誅求百姓公上疏不報歎曰主上崇虛棄實宋道去矣吾既不能正君可負所學而歸廩爵祿乎竟解綬南旋道經湖口訪陶元亮故址遂忘歸卜居焉吳公价曰靈素一疏有韓公佛骨之諫寓隱五柳得元亮清逸之風真振古人豪也江州柳姓自此始

王

庶

字子尚慶陽人以不主和議七疏乞免乃以資政殿學士知潭州歸至九江被命奪職徙家居焉

李若谷

河北人高宗時罷參政或曰君胡不效楊仲原之泣耶若谷曰卽挫死我淚亦無自出秦檜聞之大怒乃謫居

張所為監察御史靖康中以蠟書冒圍募河北兵士民得書

七十萬由是所之聲振河北高宗即位遣所按視陵寢還言

曰河東河北天下之根本昨者誤用奸臣之謀始割三鎮繼

割兩河其民怨入骨髓若因而用之可藉以守否則兵民無

所繫望陛下之事去矣且請帝亟還京城具言五利奉宗廟

保陵寢一也慰安人心二也繫四海之望三也釋河北之疑

四也得一意於邊防五也帝欲以其事付所會所言黃潛善

梅鼎宣城人慶歷中以進士仕福州太守

黃庭堅字魯直號山谷子為西江詩派之祖尤工書法時與東

坡齊名往來彭澤多遺蹟焉今存有宿舊縣五古馬當

六言讀書巖
石刻三大字

周屋鄱陽人咸淳間進士官江東寓彭澤

周壽字元翁濂溪先生伯子也家居春陵之營道熙寧間先

生于鄭太君墓左明年次翁歸道州守先業元翁以墓祀留

守登元豐進士領司封郎中至九世孫鉛得避兵居瑞昌縣

王仙鄉之楠木岫有先生太極圖墨本並家世譜明宏治癸

亥都憲林公提學邵公上疏修先生墓因訪其裔得次翁裔

日綸元翁裔曰電曰寔曰勉皆為

孔延之字長源新淦人至聖四十六代孫登慶歷進士九遷至

佳山水將卜居于江州卒葬廬山之麓其子文

仲武仲平仲文名藉甚平仲因廬墓遂遷居焉

元

吳澄字幼清號草廬崇仁人常仰止濂溪周子過九江訪其

遺踪適抱病調攝於濂溪書院如披拂光霽月勿葉有

喜也數月病愈猶
低徊不忍去云

黃德隆 山東人江州萬戶管軍尚節概元末城陷
與總管李楠同死子孫因世居於高良山

明

趙 坊

字子常休寧人資稟卓絕初讀朱子四書多所疑難乃
盡取朱子書讀之聞九江黃澤有學行往從之遊澤之
學以精思自悟為主其教人引而不發坊一再登門乃得六
經疑義千餘條以歸已復往留二載得口授六十四卦大義
與學春秋之要後復從臨川虞集遊聞吳澄之學
乃築東山精舍讀書著述其中學者稱東山先生

桑 喬

字子木揚州人爲御史請戍潯陽往來廬山
凡諸名勝無不歷覽所著廬山紀事簡而該

陳 昂

字爾瞻莆田人隆萬間避倭難携妻子客南昌旋愛匡
廬旅於琵琶亭側以織草履爲業得錢輒沽酒凡匡廬
幽險處莫不登覽遇商船乞爲傭適夜郎登峩眉數年又返
九江昂善卜尤工詩詠匡廬者數十章竟陵鍾伯敬刻有白

雲先
生集

李仁美

新淦人永樂間以人材授四川蒙
化通判浪遊至太平阪因以居焉

李 紀

章邱人明天順間爲縣幕時狄公祠壞紀慨然曰公以
忠孝聞天下後世奈何所治邑之祠弗修乎遂捐所積

館穀重
葺之

湯賓尹

字霍林宣城人號睡菴曾館
于嶽山劉氏額其堂曰牛室

鷺池翁

天啓間卜者不言姓名自號鷺池翁居彭澤西門賣卜
近二載得錢沽酒獨飲飲必盡醉醉卽伸紙疾書書罷

輒棄其稿人欲物色之不可得有造訪者亦不答拜最後于
齋紙得五七律詩各一首云落日殘橋外維舟與不孤春潮
將滿岸江鳥下平蕪負笈纔離楚吹簫已入吳千金輕一擲
漫自說呼盧又曰浪跡江湖老此身綈袍誰念故人貧沙汀
逐鶴渾忘事風雨看花又一春抱玉幾年終獻楚懷書垂老
不干秦明朝說有孤山約短艇長歌任性真其人遂逸去云

乙工詩宗

卷二

僑寓

吳裕 字有容臨川人值明季兵變避隱廬山尋遊德安紫巖泉與里人桂百魁等相往來散步半泉見峭石嶽崎泉流潺湲顧而樂之因建靜室于上名一字園又作無一歌深得蒙莊旨趣其家人踪跡至此拒弗納以吟嘯終其身及葬于園之側

王一翥 字子雲黃岡人明孝廉以國變隱于廬山之吳章茅屋三間蕭條高寄博學逸才詩文皆有天然之趣士大夫高其名輒推贈之旋付家僮半為所竊不問也子材而天即埋山下傲延陵之風

國朝

王崇擢 黃岡人乙酉夏挈家舟泊潯陽適左逆城陷大掠子禮部尚書澤宏尚諸生孫都察院材任方髻齒俱驚竄譚家坂譚受所物色之寓譚踰年餘乃歸後譚沒澤宏題其墓

吳文煥 字劍虹閩人幼隨父士宏令彭澤宏捐建共學書院延邑明經汪鎮玉主席使煥師事之後煥登辛丑榜眼致

政歸訪彭邑故舊留連數月不忍去酬倡吟壇饋遺一無所受

仙釋

周

方輔先生

周武王時人與李聃跨白驢入山煉丹得道仙去惟廬存故名廬山見九微志

匡俗

字君孝一日子希師老聃得久視之道結茅虎溪修煉七百年定王問太史伯陽神仙之在世者伯陽舉五嶽

諸仙以對先生其一也因召之不應又二百年威烈王以安車迎之使未至先二日白日輕舉使者至惟得其草廬焉人因呼為匡山又曰匡阜兄弟七人皆有道術漢武帝元封五年南巡射蛟潯陽封為南極大明公稱廬君有廣福觀以專祀先生者在香谷西一里許

按惠遠記俗生殷周之際結廬山上因名廬山而通志謂俗父平野王當秦末同吳芮佐漢定天下而亡封俗於鄴陽及武帝南巡封太極大明公竟以為漢人不知何所本也豫章記作匡續一名匡裕字君平

赤松子

周覽名勝愛石沃山屹立湖中超然塵表登憩最久至今湖得佳名瀕湖之野亦號赤松云

漢

劉越

嘗邀康阜過其所居云山陰有石高三尺者吾宅也扣之即見我焉如其言往扣之果有二童子引見越越過元玉冠朱紱劍佩飲阜以玉酒三爵延生湯一啜阜心知其異欲留居之未出口越曰子姑去他日來居未晚也乃出石在太平宮殿階下因號其石曰劉越洞天今不知所存

王長趙昇

廬山乃第六十九福地王長趙昇二真人所理也見九微志

九仙

兄弟九人不知何許人寓德安博陽山之巔丹成同日昇舉今所居處名九仙臺棄妻子去九江至今傳以為仙人有見福於會稽者變姓名為吳市門卒或云吳門乃洪州今吳門鎮去九江

梅福

亦不遠矣

王喬

漢葉縣令隱于德安崑崙山巔朝斗丹成仙去遺有石焉觀後有月窟有東西二湖大紅牡丹花至今尚存云

是喬手梳

劉德本

鄂州人避亂廬山見鹿裘道者與行至五老峰下深澗入乃大石洞也洞中別有天地風日和煦花樹芳蔚實異人境行二三里有大宮殿金碧煥爛明衛嚴整榜曰紫元景耀之門老人曰此九天使者所治也德本欲求見使者紫光元老人曰不可因復出門遠巡失老人及道者所在

劉綱

漢時仙官謫居蓮花峯下奉章上帝救德化縣令張某之死遊康王谷谷有王莽時銅馬久而為妖土人廟祀之其妖愈熾元貞得三洞法能役鬼神符勒銅馬從廟于澗

丁元貞

西其妖乃息

張施深

隱棲谷中學老子術武帝聞而嘉之詔以其間為康王觀隨道士張允真云後據崑崙絕前俯泓淳神龍弄珠光

照紺髮後兵燬復建宋熙寧中詔以為景德觀建
交中復焚燬其後不知何時乃移觀于白龍灣

老 嫗 不知所從來居康王觀時常樓祭餘飼虎人畏惡之輒
避去已而復來

度索君 真仙也昔有人見一著白布單衣者冠高冠似魚頭度
索君曰昔廬山共食自李未久已三千年日月易得使
人悵然去後度索
君曰此南海君也

黃洞源 桃源洞人也善道術劾治鬼神號三洞法師時有童子
瞿相庭以造異境得仙洞源慕之乃行求靈域得紫霄
峯下石壇築菴居之又遷茅山其徒蕭洽然忽見相庭問黃
尊師無恙乎歸以語洞源源曰吾且去矣翌午遂逝洞今
不知

李道冲 潯陽人不茹葷酒傳法籙于巽人結菴紫霄峯而講莊
老忽語人吾欲遠遊不返衆未信競留之及午而逝

李 鎮 加雞籠山山上有石雞冠如生鎮常玩之一日
雞忽無故自毀裂鎮曰雞既如此吾何以全果卒

皮

晉

吳 猛 隱山得道者也廬山上有三石梁長數十丈廣不盈尺
杳然無底猛弟子登山過此梁見一翁坐柱樹下以玉

杯承甘露漿與猛又至一處見數人為猛設玉膏猛弟子竊
一寶欲以來示世人梁即化如指猛使送寶還手牽弟子令

閉眼相引而過共山川明淨風澤清
曠猛以二龍負舟一宿至宮亭湖

楊 義 得道與紫微夫人諸仙遊諸仙各授學道口訣并說羣
仙事跡楊錄其書司馬朗得之常有雷電光怪晉人陸

修靜又得
之遂成道

陸 修 靜 字元德吳興人簡寂觀道士也宋大明五年始來居廬
山明帝時召至建業立崇虛館以居之而會儒釋之士

講道華嚴寺修壽固求還山不許頃之封丹元真人修靜行
常携一布囊死之日其布囊乃懸于廬山舊隱之樹杪焉

葛 洪 咸寧中遊湖口武山有壇曰葛仙壇丹竈
藥池猶存德安有葛洪山亦云洪修道處

董

字君異侯官人有道術住蓮花峯下為人治病不取錢
病愈者使栽杏數年計得十餘萬株鬱然成林乃使百
禽羣獸遊戲其下竟不生草常如芸治後杏子大熟千林作
一草倉榜示人曰欲買杏者不須報奉但將穀一器易杏一
器去人有置穀少而取杏多者虎輒吼而逐之奉得粟盡以
散之貧者嘗大旱縣令于彥謁奉求致雨奉仰視其屋曰貧
家屋皆見天何可得雨耶于令即身率吏士為起屋屋成欲
取水沃泥坵壁奉曰毋庸日暮自當雨夜果雨奉在人間百
年其顏色常
如三十許人

唐

郝法遵

廬山道士居簡寂觀道行精確獨力檢校歷年無徒忽
夢元中法師謂之曰汝無人力甚見勤勞今有二童子
所恨年小耳既覺話于眾出山遇王氏家有孩子年方一
見法遵抱其足不肯捨遵去晝夜啼號不息遵復至則欣然
後數年父母即捨為童子又一小兒姓劉眼有五色光父母
疑其怪異因灸眼尾其光遂絕已四五歲亦捨在觀中相次

入道累符元

中夢授之語

呂

巖

字洞賓蒲之永樂人也以四月生故號純陽子咸運中
舉進士不第去遊廬山遇五龍君傳劍術又得長生之
訣喜遊遊塵市中隱顯叵測常書菊暉之門曰宴罷高歌海
上山月飄盛露浴金丹夜深鶴透秋雲碧萬里西風一劍寒
巖晚參黃龍
期月頓契云

按自叙云余本唐宗人名瓊字伯玉配金氏生子四甘美

豐克少有術士相余眉稜目闊鼻聳項長面修而潤鬚茂

而疎真儒者氣象但山根一痣當尅妻太陰下一痣當尅

子獨喜鶴行龜息聲自丹田中出是乃遇仙得仙非凡庸
之比後十歲能文章五十始登第授官而易治中遭國難

棄子攜妻卜築于洞時維兩口更姓曰呂因在山下易名
曰巖時處洞中因字曰洞賓妻亡扁其號
曰純陽子與今世所傳稍異附錄備覽

張

瓊 嶺南中廬山書生以所業之桂州欲謁連帥張相至衡
州大惶灘損船上岸寢於江廟廟神延坐從容云有玉

張

瓊 嶺南中廬山書生以所業之桂州欲謁連帥張相至衡
州大惶灘損船上岸寢於江廟廟神延坐從容云有玉

立仁者罪合謀族吾為其分理奏於嶽帝無人作奏
環為草之既奏蒙神喜以白金餅為贈

茅安道

廬山道士能書符役鬼幻化無端曾授二弟子以隱形
洞視之術曰資爾學道印不得恣情而荷其術也苟違

吾教能令術窮二子至潤州謁韓晉公混弛慢縱誕韓大怒
縛之二子行其術果不驗韓欲痛絕其源詰問術師姓名二

子方欲陳術而安道已在門矣龐眉美髯韓不覺離席迎之
安道曰二子愚昧干冒尊嚴請誅而愧之然後行刑韓致二

子階下械繫甚堅安道就取硯水噴二子化為雙
黑鼠自變巨鳶攫二鼠冲飛而去韓驚駭良久

崔道人

久居廬山積香數斛一日盡發命弟子置五老峯下
徐焚之然坐其上煙甚不相辨忽躍起已在峯頂上

劉混成

白鶴觀道士也觀有混成煉丹井搗藥臼及手種杉猶
存杉本大丈餘然歲久中空上折孫枝附生其間亦數

尺圍矣

熊得融

荆州人于九疑山遇異人得道隱廬山咸通二年坐逝

許堅

字介石布裘道者唐末居簡寂觀死金陵久矣宋景德
中兵部侍郎陳靖遊廬阜堅出謁于洪井山談甚洽靖

後至金陵乃
聞其已死焉

李蔡二女真

蔡名尋真侍郎蔡某女也李名騰空宰相李林甫
女也幼並超異生富貴而不染貞元中同入廬山

蔡居詠真洞天九疊屏南李居九疊屏北並以丹藥符籙救
人疾苦三元八節會于詠真洞以相師資九江守許渾以狀

聞昭德皇后賜金帛闢土田已而蛻去門人收簪簡瘞于舊
居鄉俗歲時祀之不絕後詔以詠真洞為尋真觀騰空所居

為昭
德觀

薛肇

不知何許人與崔宇讀書廬山宇尋擢第授東畿尉經
三鄉驛忽逢肇叙舊薛曰貧居不遠能左顧否宇從之

初入一小徑甚荒涼更三里間殿閣森流薛先入有數十人
擁接升殿乃召崔開筵女樂四十餘輩見一女彈箏篥上有

十字天際識歸舟雲中辨江樹崔默記之薛問中有所悅否
以篋篋者對薛曰他日與君及叻送之官路別去崔至官求

婚得柳氏女嘗疑曾識而不記其處命取篋篋理曲見十字詩在焉問其故云其時染疾夢中見一使人追云西城大仙陳溪薛君有容五百里內解音聲處女盡追可四十餘人卽隨去遙見薛與崔少府在殿同飲覺來疾已除却各語其事方知薛君已仙

蘇 航 訪道過羊腸馬脊門厭其險峻愛蘇山坦迤修煉甚久已得神舉蘇山之名以航著也

康道人 見一木倒仆洞口叱之化為龍康乘而去

葉法喜 有道術明皇嘗異之贈以詩曰清溪道士人不識上天

東龕嶺葉家山皆其裔也

南唐

譚紫霄 泉州人寓廬山樓隱洞南唐主寵之出入金門號金門羽客廬山僧于溪澗荆亭苦大石橫置累工不能平紫

霄往見曰斯固易也因以指捻訣喚水鏡其石應手如粉

保 宗 善觀却粒煉形南唐元宗聞之詔赴闕引入禁中見諸

嬪御賜紫衣金錢諸嬪御競施服玩珍珠彩繡數逾千萬詔新其字尚書郎韓熙載撰記賜額曰真風觀又詔臣下作詩送之保宗慕蔡尋貞李騰空之為人亦能以丹藥符籙救人疾苦暇則至屏風疊南北瞻禮二祠保宗老而有少容既歿貌如生舉棺甚輕蓋尸解去

宋

陳 搏 字圖南號希夷子亳州人也嘗遊廬山有匡濟畧其踪跡常在京洛關輔間後隱華山雲臺觀遇五龍君傳睡

法睡輒數十日不起終于華山

錢 朗 字內光南昌人以五經及第開成中爲安南副都護光祿卿歸隱廬山得補膾還元之術年百五十歲猶少容

精神如四十許人吳越王錢鏐迎至錢塘師之通傳其術他日忽口適爲上所召須去俄氣絕顏色如生異香滿室

洪志 在青牛谷通經史善布算過異人授六甲蒭廩祛疾之術隱居廬山常乘青牛故谷稱青牛云

劉虛谷 著丹還篇能以智慧性斷煩惱宋文公常與往來談易論還丹之旨後步月登青牛洞絕頂端坐而逝焉

黃知微 字明道世爲江州人得道伴狂人謂之黃瘋子一兩百日籀香又善噫氣噫輒經時不絕響徹雲漢素不攻詩而多佳句如深雲拂地送殘雨谷鳥向人啼落花萬里碧雲開幕

色一條銀漢在天涯之類皆可諷詠死廋宮闕後從蜀寄書山中開函皆喪亂後所在道士姓名也

胡用琮 太平宮道士遇道流于雲堂留之飲酒既醉道流以刀剗土漑酒漑津和之成墨以授用琮投之几上鏗然有聲翌日視之紫磨金也其所剗土處有泉出焉甘而不竭故謂其堂曰授墨堂泉曰墨仙泉用琮初以墨研酒飲其半宿疾頓愈由是厭人間事學道年七十顏如童子

楊權 字正夫盱江人開張真牧有道行往從之得授九返之術將別真牧囑曰逢江莫行至泥則止舟次九江泥泥

嘴始悟臨津結茅日旆符水時城中大疫飲其水者輒效一日語其徒曰吾于教門開化之事畧備爾等各思剗始之不易勇猛進道吾歸矣留頌而逝咸淳間封通慧孚慧真人

皇甫坦 字履道臨淄人遊地入蜀居蛾眉山嘗暮行風雪中聞有呼之者顧見一道人卧小菴中留與抵足睡坦自覺熱氣自兩足入蒸蒸液體甚和適比曉道人告口他日可訪我于靈泉觀坦後往訪始知爲妙通真人朱桃椎也後復會酒肆中盡得坎離虛實之旨內外二丹之祕常宴坐不寐其兩足外蹠皆平偃頂有珠光紹興中顯仁太后患目翳醫不能瘳夢黃衣道士髯而長耳自言能治高宗詔有司物色之臨安守廉得以聞詔入見慈寧殿坦爲嘘呵布氣翳即脫目瞭然矣又詔療仙詔甄孃慧亦愈辭還山賜齎甚厚皆不受詔築室廬阜以便往召賜御書清虛菴額繪坦像贊之

白玉蟾 瓊州人姓葛名長庚嘗任俠殺人亡命之武夷事陳泥爲道士自稱靈霄童景洞天羽人善幻好詭誕之行

仙釋

卷之

九

七

子

示

卷之

九

子

往來廬山揮灑文墨信筆而成山南北諸佳勝並有題咏而太平宮爲多紹定己未冬解化賜號養素真人

劉伯五 宋時人修真于浩山

仙女 姓名時代皆不可攷或曰石山觀其修真道場也嘗禮斗于觀南之嶺東西二池爲養鹿遺跡

元

洪真人 鄱陽人洪皓之後至正間遊武當山傳法于異人元末至彭澤南嶺結菴講說莊老及修煉之法時立壇仗劍

演法或驅雷致雨以濟歲旱數年坐化自合以註覆其屍三日開視惟冠服劍履存焉鄉人立廟祀之

李武 徽州歙縣人客遊江湖偶遇異人授以仙術施藥愈病屢驅旱魃後于邑之鳳山嶺結茅爲廬精修數年道成

于酷暑暴卒曝屍日中旬餘不朽牧童異之投以石礫輒有銅錢觸石而返于是羣兒競投以石大者得錢小者得錢石聚成塚金錢遂絕後有見其在迤邐山者啓視其塚衣履存焉里人蓋異建廟塚旁凡祈求火驗號爲真仙亦曰大仙

明

周顛 建昌人幼患顛疾乞食南昌市明太祖取南昌顛仙謁道旁帝問何言曰告太平帝歸建業顛仙隨至帝言其

行不具述帝親征偽漢擊鍾仙行至皖無風問之曰只管行只管有從之風果大作揚帆前進小孤見馬當江豚戲水曰水怪見損人多帝聽其言使人將至江邊溺之不得日而整衣裝若遠行之狀至帝前鞠躬俯首曰你殺之帝曰殺汝何爲且縱汝行遂行不知所之後明祖患病遣赤脚僧進藥

桂心淵 隱居飛雲洞人謂之桂瘋子後尸解去

孫化南 不知何許人天啓間愛廬山詠真洞幽秀作墓園其側垂成投身以入而封之畱一竇朝夕誦皇經禮北斗共

術以清淨自然爲宗坐圓三載一夕吐三昧火鬚眉皆焦遂蛻去

以上皆仙

晉

慧遠 姓賈雁門樓煩人太元間借慧持抵尋陽見廬山愛之以杖著地曰有泉當在此忽泉迸出乃誅茆為菴曰龍泉精舍

時慧永居西林遠居其東謂之東林經營之際雷雨霹地良有委積州將桓伊驚其神異表立寺焉名其殿曰神運時與劉遺民等凡十八人結白蓮社以書招陶淵明答曰弟子性嗜酒許飲即往矣遠許之遂造焉勉以入社攜眉而去謝靈運恃才傲物見遠肅然心服欲入社遠拒之

慧持 遠之弟也冲默有遠量長八尺精究經論為廬阜三千僧冠後入蜀住龍淵寺旋又他遊不知所終宋宣和二年嘉州奏風雷折古木中有定僧鬚髮蔽體爪甲護身事聞詔其至京師有西天總持以金磬覺之問其世族曰遠法師弟慧持也因遊峨眉至此間欲何歸曰陳留古樹中詔以禮送之因圖形製讚云

慧永 姓繁河內人居西林好經典善講說疏布優游年八十三而逝道業不下遠公將軍何無忌常與二宿集于虎溪遠既久馳名望從徒百餘雍肅有序永衲衣半脛荷錫林下翫然而來無忌謂眾曰清散之風多于遠矣

佛馱耶舍 罽賓人聰明強記年十九誦大小乘經數百萬言赤髭而善毘婆沙時研赤毘婆沙宏始元年譯四分律并長阿舍等經典施絹萬匹不受南入廬山與釋慧遠會遭此舉鐵如意示慧遠不悟仰拂衣去

辟蛇尊者 慧遠弟子不知所從來以善辟蛇名

伽提婆 本姓瞿曇罽賓人學道三藏尤善阿毘曇心洞其織旨若臺手執梵文口宣晉語去華有實務盡義本今之所傳蓋其女也

佛馱跋陀羅 迦羅衛國人甘露梵王之苗裔也秦沙門智嚴德見東國五船俱來眾疑虛誕遂出之廬山未久五船俱至服其靈通即持佛舍利五粒建塔于寺北上至今塔存

道生 魏氏鉅鹿人幼從竺法汰出家初依廬山常以入道之要常歎曰自經典東流譯人重阻多滯權文鮮通圓義若忘筌得魚始可與言道矣乃立善不受報及頓悟成佛義著二諦

仙釋

論佛性常有論師入虎邱山聚石為徒講涅槃經羣石皆為
點頭既而辭衆復投廬山預蓮社久之還都宋文帝大會
門筵食良久衆疑過中帝曰始可中耳生乃曰日麗天天
始中何得非中遂舉箸而食一衆從之莫不歎其機辯元嘉
十一年于廬山升座說法將畢
隱几而化葬于廬山西阜

僧寂 黃州人遊歷天竺諸國還至關中從羅什諮稟經義久之
來廬山住遠公既適京師止烏衣寺講說衆經彭城王義

康以翟妻奉謝靈運常以經中
字音未證因為著十四音訓

曇順 黃龍人幼出家承訓羅什講譯羣經妙盡色空無相之旨
後來廬山同修淨業寧蠻校尉劉遵孝于江陵立寺要師

經始盛宏念
佛三昧之道

通敬 琅琊王氏祖疑之從遠公出家年十七博通經論每歎戒
律終身難全願淨六根但稟一戒遠公許之篤志念佛蚤

夜弗替遠公歸
寂乃人若耶山

曇恒 河東人童儒依遠公出家年十三通貫內外
外典籍德行清孤常有羣鹿馴遊座隅

道昞 穎川人陳氏幼為遠公弟子該通經籍兼明莊老義
熙十四年豫章太守王虔入山謁敬請紹遠公之席

曇詵 廣陵人幼從遠公出家註維摩經行于世又能別識鳥獸
毛色鈍銳之性洞曉草木枝幹甘苦之味人知其有密證

云

曇翼 餘杭人初入廬山依遠公後住關
中見羅什東遷會稽入秦望山

僧濟 太和元年入廬山從遠公受學遠每謂曰共吾宏佛法者
爾其人乎感疾遠遺一燭濟執燭停想觀無量壽佛接置

於掌自省四大
了無疾苦

曇邕 姓楊關中人投廬山事遠公志尚宏法不憚疲苦後為遠
入關致書羅什專對不辱于山西南立茅宇弟子曇果夢

山神求戒果日師在可往諮受後少時邕見一人著單衣
風姿端雅從者二十餘人請受五戒為法神觀以外國著七

禮拜辭別
條忽不見

景超 素持戒範若護浮囊性惟矢直言不面從及乎遊方選勝
至廬峯便有休息意嘗禮華嚴經一字拜之計已二徧乃
燒一指為燈供養慶禮經周次禮法華經同前身膚內隱隱
出舍利磊落圓瑩或有求者坐席行地捨之無算廬阜遊者
致禮嗟歎而已

宋

慧安

學通經義以專戒見稱誦經三十餘萬言止廬山雲雲寺
學徒雲聚常捉一杖云是西域僧所施杖光色炯徹頗有
香氣上有梵書人莫能識後入關羅什見大驚曰此杖乃在
此間耶因譯其字安後以杖賜外國僧波沙那邪賚還西域
僧瑜 姓周餘杭人元嘉中與同學曇慧光等于廬山共建精
舍名曰招隱瑜常以為結累三塗情形故也情將盡矣形
亦宜捐考建二年集薪為龕是日雷雨瑜乃誓曰所志克明
天當清明言已雲景明霽便入新龕中誦藥王品火燄交至

猶合掌不散道俗知者奔赴廬山卒後旬有四日

慧慶

廣陵人出家止廬山寺學道經律清操有戒行誦法華十
地思益維摩每夜吟諷常聞闍中有彈指讚歎之聲嘗于
小雷遇風波船將覆沒慶惟誦經不輟覺船在浪中
如有人牽之倏忽至岸于是篤勵彌勤宋元嘉末卒

慧恭

豐城人與僧光慧堪慧蘭同志為學光等學力不逮恭而
于淨土則繫想過之蘭謂恭曰君雖力學博聞豈不知經
云如導奏音樂悅彼不自聞恭曰學不可已孰能未死昧時
如癡哉後七年蘭等先逝去又五年恭病且篤曰大道沿洞
何時可止死生去來吾何歸哉于是叩頭兩泣誓安心養念
不少間忽見無量壽佛以金臺前迎恭乘其上見蘭等于臺
上光明中告之曰長者受生已居上品但恨五濁
淹留相俵之晚耳乃于是日欣然奮迅告眾而滅

法安

遠公弟子妙善講說兼習禪業律身持戒尤精義熙中新
陽邑社有虎居神廟樹下害人百數安乃止樹下禪坐須
臾虎負人至見安驚喜安乃為說法授戒而去明日居民見
安謂是神人改神廟立寺請居之左右田園捨為寺業嘗欲

畫像須銅青慮不可致忽夢一人跪牀前云此下有銅鐘窳掘之果得二鐘取青成像而以銅助遠公鑄佛後不知所終

闕公則 入廬山白蓮社既逝有同社人于洛陽白馬寺為公則修忌祭忽一時林木殿宇皆作金色空中有聲曰我是

闕公則祈生極樂國今已得生矣言訖無所見

梁

造珍 梁初住廬山夢有人乘船向阿彌陀國珍欲隨去船人云未作淨土業謂須經營浴室并誦阿彌陀經既覺即如夢

所作久之于房中山池降白銀臺珍記其事置經函中及卒之夕半山以上如列數千炬火近村人悉見之旦就山尋訪

乃云珍卒後因檢經中始知往生事

法歸 廬山峯嶺寺僧也本住襄陽漢陰偶夢有神期往廬山遊歷既覺尋夢而往至廬山樹石寺塙宛如前夢依而結宇

晨夕繼業遂終山舍

慧景 清卓出類不交道俗及卒後乃返握雨指人有持者雖伸還屈卒之晨山峯松樹並雨甘露今名甘露峯是也

道融 梁初人住東林寺篤志沈博遊化江陵晚還廬山獨宿逆旅時天雨雪中夜始眠見有鬼兵甚眾中有一鬼將帶甲

挾刃據羌牀生乃對融厲色揚聲曰君何謂鬼神無靈耶速曳下地融默稱觀世音聲未絕即見所住林後有一天將可

長丈餘著黃皮袴褶手提金剛杵抱之鬼便驚散甲冑之屬卒為塵粉

國道者 廬山雙溪院僧也國初參學攸廣愛廬山秀異卜築草舍灌園植蔬任人摘去不禁或問之曰貧道無心而種

無心而捨也

隋

法克 姓畢九江人住廬山化城寺每勸僧眾無以女入寺上損佛化下墜俗謠不聽克歎曰正教不行義須早死遂于香

爐峯自投而下誓粉身骨用生淨土後有人上峯頂路墜下于有餘仞聞人語聲就而尋之猶活迎還至寺僧感其死諫

嚴絕女踪
開皇末卒

智光

江州人開皇十年敕召入京仁壽創增召送循州途經許

夜銅鐘自鳴食時方止既達循州道場瑄寺天降甘露于塢

智錯

姓夏侯豫章人住廬山造大林精舍又住西林寺兩處監

召稱疾不赴後豫章請講亦堅辭之

慧雲

姓王太原人遠祖避地止于九江弱年樂道投廬山

慧遠

姓王襄陽人雲遊諸勝多所修造晚依慧雲遂止廬山造

取正無方忽有
猛風北吹還正

大志

開皇十年來遊廬岳住峯頂寺介爾一身不避虺虎冬夏

謨願誓文
七十餘紙

唐

道唯

姓周汝南人隋開皇十二年依大將軍周羅喉遠居廬岳

不拒命宏道度人修建僧坊四時無絕隋季寇攘薦臻獎撫

日喚上座至委以後事跏坐而卒

道一禪師

漢州什邡縣人姓馬唐開元中習禪定于衡岳山中

寺馬祖石馬祖

香巖閑

道場在嶺山寶巖寺初開事百丈海以辯博聞海未

杜其口不使置一辭涕泣辭瀉山去止南陽佛舍自分絕望

山澗山始
首宿之

熙怡大師 姓曹桂陽人大歷五年躋五老峯構凌雲精舍為經行之處旁引泉竇以漱塵垢近躋松壑以求清涼丹

崖雲岫勢若屏廓然趨風望景攀危輦重翼如而至者難以數計積十餘年乃止大林精舍杖履衣巾屏居一室行住坐

臥無非道場貞元中歸東林戒壇院以為吾道已成吾教已十二年召門弟子曰吾隨化還須與寂滅

靈徹 與羣丹為忘形友丹為江西觀察使徹往東林丹以詩寄之曰王事紛紛無暇日浮生冉冉只如雲已為平子歸休

計五老峰前必共聞微酬曰年老心閒無俗慮麻衣草坐亦容身相逢盡道休官去林下何曾見一人丹與靈徹唱和詩

什頗多韋序曰徹公近以匡廬七詠見寄皆麗絕于支固七詠者蓮花峰石鏡虎跑泉聰明泉白虎洞鐵船峯康山廟也

徹寄包侍御詩古殿山陰花木春池邊跋石一觀身誰能來此焚香坐共作廬峯二十人靈徹後不久亦夫

祖可 蘇伯固之子養直之弟也常住廬山葛常云可詩多佳句如懷人更作夢千里歸路欲迷雲一灘窻開一榻篆煙碧

門外四山秋葉紅皆清新可喜徐師川作畫虎

神奏 嚴經行在四分律其他諸教餘力則通大應八年制懸經

論律三科策試天下出家者中等第方度湊應是選詔配九江與果精舍後從僧望移居東林寺有甘露戒壇白蓮池焉

法藏 姓周南康人程齡爽俊始研尋史籍而于醫方明得其工

宿平復其僧多接談元自爾萌出塵之意年已長辭親受戒

靈異獨止寒林采橡栗狷溪澗即延形氣而已數年有二仙

乘雲而來終日談論由是道且馨香檀越共營一院寶歷中

示滅年八十二其

書公禪師 未詳所自釋齊已有寄畫公詩聞君佳彭澤結搆近

窻中八月東林
去吟詩蓄蓄風

南唐

若虛 隱于廬山南唐主累徵不就言老僧無能寧銷歸心若更相呼窺入深山矣乾祐中盛夏坐終身不沮壞

行因 受旨鹿門真抵廬山佛手巖下有石窟可三丈餘因宴處其中嘗有異鹿錦囊烏馴擾其側南唐主三詔不起堅請

就棲賢開堂不逾月潛歸巖室一日微疾謂旁僧曰日午吾去矣及期下牀行數步屹然立化巖上有松一株同日枯槁

緣德 李後主建寺廬山石耳峯下延德主之開基日地中得金像大士賜名圓通宋曹翰伐江州以兵入寺德生不起怒

日而知有殺人不隄眼將軍乎德曰而亦知有不畏死和尙耶翰異而禮之凱旋以問太祖詔賜號道濟寺名崇勝

宋

臥雲僧 太平興國時有僧入謁太宗問從何來僧曰廬山臥雲菴太宗曰朕聞臥雲深處不朝天何以到此僧無以對

護國和尙 住廬山僧問佛未出世時如何曰雲遮大海出世後如何曰孽破鐵圍山

雙溪田道者 嗣滄仰宗為南嶽五世孫住廬山

虎溪菴主 南岳五世孫嗣隱居東林

常摠 嗣法黃龍南元豐初革東林律寺為禪席王學士韶守南昌欲延寶覺心公公舉摠代摠不得已應命其徒曰遠公

常有識記吾滅七百年後有肉身大士革吾道場今符其語矣住東林十二年夏屋金碧照曜煙雲叢林之盛近古未有

自遵 正賢其名也住東林為南岳十三世法嗣

佛印 名了元浮梁林氏子也遊廬山謁開先暹道者暹大奇之以為真英靈衲子時年十九已又謁圓通訥訥驚其翰墨

日骨格已似雪竇後來之俊也命典書記江州承天虛席訥即以元當選郡將見而少之訥曰元齒少而德壯踰萬耆衲

折也

居訥 梓州人初讀華嚴有省得法雲門後入廬山由歸宗遷訥通皇祐中仁宗使銀鑄小吏以緣絛尺書召住淨因院訥

稱疾不起薦大覺璉或問之訥曰學道貴知足守淡泊若以聲利自累何厭之有

大覺璉

居廬山巖棲澗飲二十餘載至今菴基猶存鐵船峯側宋皇祐間居訥薦之應詔賜紫于是道名大顯

守端

白雲端穎悟不羣居訥一見自謂不及舉主承天寺大振宗風次遷圓通故號新圓通

大慧杲

九江太守朱公延說法于能仁而以圓通敦請住持三辭不獲因舉道顏長老補其處舊志云杲居廬山寶慶

寺與無垢唱和

泉石多佳什

賢蓬頭

江州人滌山真如和尚會中角立者見地明機鋒捷有超師之作住郢州興國道大行示寂肉身不壞

慧圓

嗣法臨濟游廬山佳東林貌陋眾戲侮之一日忽足顛而仆了然大悟作偈書壁曰這一交這一交黃金萬兩也合

消頭上笠腰下包清風明月杖頭挑即日離

東林照覺聞之令人迹其所往竟無知者

法因菴主

遊方至東林謁慧一日舉靈雲悟道機語問之有契住匡山三十餘年不與世接

三眼禪師

住烏岡山耳峯巔與仙沙女真高風幕山菴煉師兄弟也雖道術不謀而墳塚相和二峯高並炊共見煙

至今三眼靈巽不哀山之南北雨輒應每歲中秋村人必以一雞縱之山頂了酬雨故事棲峰白如時隱時見

西風禪師

有識鑿駐錫鳳凰山下建普明寺一日過上廣福寺以錫卓池成井時有靈液遇旱禱之輒應

卯齋和尚

宋沙門善悟作傳其畧云初有異僧不通鄉貫姓名莫原其來夜禪于巖晨乞于村里人因目之為卯齋

和尚巖即今吳山泉巖泉有神名費聖師戒之曰遇有旱暵汝當霖雨後里人禱之應如桴鼓泉亦因師而重師出則虎

衛之歸則皆處于巖泊巢寇叛逆師若先見徧告于里自羣寇聞境聞吾擿鼓可掃迹而遁乃考石為鼓已而巢寇果至

環境無人遂與部伍窮澗谷獲一遺老詰其奔竄之由遺老

首白其事竊于是使遺老為之道訪師于巖寇甫至師已坐

蛻虎亦隨逝寇怒識師首投于水未幾溯流而上里人戴師

如再造之恩斂其遺骸焚檀定地約香止處為崇蘭若其煙成穗于西岡凝結不散因立院肖像祀之

法閣上座 南岳下法嗣住東林

田菴 道顏住東林久參圓悟悟還蜀
囑依妙喜朝夕質疑方得大悟

常賢 嗣大鴻秀法為黃龍南之孫宋哲微間住西林

慧朗 住廬山化城寺文益法嗣講經臺北有朗公巖相傳宴坐處也

鑒禪師 住化城寺嗣法雲門僧問佛法畢竟成得甚麼邊事鑒曰雲有出山勢水無投澗聲問如何是向上關候子鑒

日拔劍 攪龍門

可遷 名真覺來廬山就巖而居三載始住圓通東坡嘗作詩訪之嗣法臨濟南岳下十三世孫也

懷賢 溫州人居雪竇繼居金山之龍游熙寧三年劉述守九江以圓通召賢欣然從之工詩字所著咏頌文集凡五卷

道旻 倡道于廬山之圓通號旻古師崇寧三年賜紫其歿也天子賜葬大臣勒碑明崇禎初塔圯九江文徵君上宏卜修

焉啓視塔銘年月日時悉符前記

密印通慧 開法圓通南岳下十五世孫也

行機 字簡堂因看祈樹倒地忽然大悟郡守林叔達請主圓通講席開法數年歸者雲集

文雅 嗣臨濟宗開法匡廬慧日寺所著有禪本草繼至主席者有明禪師

承古 西川博學諸生也謁南岳雅雅許入室游廬山居宏覺塔院號古塔主後范仲淹守饒迎古主薦福寺

悟本 江州人妙喜法嗣也初參狗子無佛性一夕大悟趨方丈未及吐詞妙喜曰本鬚子這回日本鬚子這回方是徹頭

元

崇裕 住圓通初緣德示寂累青石為塔語其徒曰此塔若紅卽吾再來暨圓機旻來鎮法席塔果紅色旻臨終復懸記有

三百年後大興佛事之識裕入院時眾夢旻至其塔又燎然有光自變至裕適符其數焉

善學

號古庵東林僧也久依寶覺簡講席簡深契之曰學上人
可謂名實相副者矣自是名稱勃然出世薦福崑山越二
年歸東林專修白業謂同志曰慈雲淨土穢儀明
白簡要五悔諸文皆出華嚴吾欲藉是生安養耳

中峰本

躬運土木以執役云募建東林疏碑係子昂書今殘缺
殆甚猶存出

悅堂祖閻

南康周氏子一日閱華嚴至惟一堅密身一切塵中
現忽有省往見別山次見斷橋子言下頓悟久之歸
西林即嗣法雙林明禪師大德九年遷靈

無外宗廓

南昌魏氏子初參西林悅堂問溪聲盡是廣長舌機
語相契遂承印記初繼席西林後遷雲居晚住東林

明

覺顯

湖口沈住得也元末祝髮彭澤正覺寺修煉白龍巖後入
廬山證道山頂祖師塔即明太祖所賜葬處也洪武初赤
脚赴闕言國祥上不報歸廬山因號赤脚僧又四年上患熱
疾殆甚顯與徐道人訪天眼尊者坐食頃周顛披草衣至天
眼曰彼所持方今至尊所訪也命顯送藥服之病立愈詳見
御製碑記中初與王奎善永樂中奎以耆民警縣事顯入山
久相傳已死時早奎詣廬山取水禱雨顯坐石上候之詔舊
甚懼且止奎宿書二符置壺中及衣帶問曰至縣雨急可焚
佩符記于正覺寺設醮相謝以佛燈為驗後果如其言建謙
之夕佛燈飛繞殿角望之如七星今觀音山猶存七星臺云

天隱

住廬山常抱疾有詩曰兩餘白石氣如炊濃綠陰中雲景
遲經月未行菴下路樹禽引子去多時王禱守南康請住
兜率寺

惠定

永樂時結茅山居先建僧寮延雲水宣德間建佛殿像設
鐘鼓藏經雲堂以至庖福無不備具將造大鐘三千餘觔
未成而逝知事性聰踵成之靈
骨藏于下方塔院尊宿塔中

正字

卷五

仙釋

三

恒哈穆 永樂間入廬山棲水簾洞語言都莫辨久之乃省世壽一百七十四

不佞道人 天順間居廬山石室題其壁曰一上一上一上到匡廬山眼觀四海身在五雲間芳草連天齊遮鷓鴣綠落花滿地亂點鷓鴣斑洗鉢池邊浪生龍戲躍講經臺畔風嘯虎生寒此處百丈紅塵飛不至清風明月讓與道人閒後徒去莫知所終云

智瑛 正統初住廬山雲溪寺嗣法臨濟死之日預報諸菴云吾將遷化常有風雷之驚及期天即霽無纖雲咸疑其言幾罷去既午疾風震雷掣茅墮瓦視瑛已遷化矣

智素 號靜菴嗣法雲溪瑛正德初結廬于赤脚祖塔之側日林隱院即今霞封寺也靜菴全身塔于大林之南林隱語錄傳布叢林柳拜傑序之

廣聰 號古拙濠梁譚氏子也徧參海內晚開廬山靜菴和尙高風得人堂奧付囑為高峯下九世孫卜築鄭筆峯下日彌陀菴與泉石為緣潛修不出葛中憲寅亮易菴名曰火蓮院

性空 山東人得觀法于廣西爽菴真愛廬山遂卜居焉今青龍菴其卓錫處也空雖濫于外緣而精進不欺斬然苦行可為僧範嘉靖丁巳建塔于祖師塔之東羅洪先為撰碑銘

了堂 號徹空手闢寺踞廬山之中以黃龍潭得名堂初行玉屏峯下心愛之千鹿成羣不可得近堂默祝曰使此間與我有緣羣鹿當從翌日過其處不見鹿踪山勢環擁居然勝地桐城吳中丞用先為造滌金毘盧像連殿應真大士像精巧奇麗閣中龍藏錦袱牙籤琅函方整明神宗皇母慈聖太后所賜也

仁敬 號恭乾金竹坪千佛寺開山僧也吳國倫明卿鄧以讚定宇會問道于山中凡創建多賴其力上座智聯號續芳增其式廓遂成巨刹慈聖太后遣使致香送滌金佛像奉安藏堂旋以聯行高賜紫寵之後尤國主施建寶刹壯麗甲山南北

北

北

北

法船 實城人初出家遇睡僧懈融開示念佛後徧參宗門歷主
大小精舍四十餘處六時念佛以船為宗臨逝跌坐說偈
曰吾年六十七世緣今已畢一心念彌陀西方在咫尺

無學 九江陳文初也其祖舉乙酉孝廉其弟乳初辛卯領解文
初自幼伉俠恥與俗子腐儒共食棗棧奮志披染死後茶
毘棄之江忽放寶光江水湧起遂成一洲
謂之無學洲廬陵青原諸志載之甚詳

慧燈 郟城人南至普陀依大智參學事畢乃登廬山荳葉坪傍
就竹影宴坐人踪罕至有采藥者遙望一僧映坐如土塑
人返道其事山中
始知有燈公云

海賢 字遜容寧國許村洪氏子禮池州仰天朗然和尚為師遊
廬山愛東林居之見遠公所遺千僧錫埋沒荆棘中心傷
之乃迎三昧律師入主東林宣講大戒遠近從風遂開鍋飯
僧叢林大振發願建造無梁神運殿挾頂供眾腦骨逆落更
燃一指眾咸心感施助金錢委積如山晝夜號佛鳴榔長與
身等辛勤建築無梁磚殿甫成復墮沮志出山將謀再構遂

于梧州示寂弟子寂融能繼其志改用土木
不數月大殿立成並建彌陀勝利鉅麗改觀

三昧寂光 律師也萬歷間住東林乙卯至庚申凡六載闡揚淨
土宏宣梵網四方學者如草從風後遷江淮江神為

之請戒晚寓金陵預
定時日端坐而逝

一如照真 竟陵人姓尹氏受具于三昧先住西林適給事中景
陵王鳴玉謀興復乃再創西林塔殿剝經堂煥然一

新真有七願碑文永誓
西林為十方院

石琳 名寂玉初師慧燈後參天通磬山歸隱漢陽峯北三十年
結茅名松隱

德清 全椒人號憨山隆萬之間禪宗如綫清與達觀同時以無
師智豁然大悟響動天下相廬山五乳峯誅茅以居遂成

禪院肉身塔于此為曹溪迎去著有方
便語大學決疑莊子影響說夢遊全集

守心上人 苦行深于禪理由行脚來觀音山駐錫數十年與彭
澤王演疇善王有懷守心詩曰郭外招提境最幽安

禪猶似整藏舟山巖支遁漁行脚石悟生公為點頭論後不
會分四眾留衣未許擅千秋白蓮重發應開社計日東林續
遊 舊

法迦 號而白善詩翰嘗見知于山陰王遂東及彭澤喻心如劉
觀歆與結詩社有芥園集詩

遠三禪師 彭澤縣高氏子也幼入空門性聰慧通內典修持于
城北觀音閣四方高僧多諮訪焉一日薄暮有行人

過山麓遇鬼祟搏擊幾危適遠三來聞眾鬼驚呼曰禪師至
矣遂避去其人獲甦後師坐化邑眾建塔道旁塑像祀之

湛虛 姓段名希謙湛虛其法名也幼嗜佛既冠餼于庠累試不
第又艱子嗣崇禎間遂棄家構月波亭于山隙而銘之有

宗風徧野目擊而存之句自署靈聖道人尚書李長庚都督
劉僑計偕北上嘗與語于維揚旅次輒驗二人異之後遇訪

至亭題光明藏而夫 國
初遍遊名山不知所終

覺浪盛 明崇禎間住圓通三載結退居于寺之東曰雞鳴菴黃
端伯相依晨夕夜話因緣千載不斷 國初盛西堂竺

菴大成入主法席未幾他去鐘板寂然近有專堂行
邦不厭荒涼重開鑪輔浪丈人之風規庶幾再見矣

國朝

修遠 號石照吉州人苦志出家博通三藏經旨不明燃指為誓
編即諸方面後嗣法于若昧和尚所著有楞嚴正眼華嚴

法華金剛圓覺皆有注疏惟識也信諸論解
釋並刻行于世蘆林陸寓航其隱修處也

最弱 號石生德安蔣氏子也十二歲自自父母求度披染于石
隱清涼公二十一秉戒雲棲徧參諸方以宏教利生為念

遂就若昧受具焉入闍闢其名迎請開善寺說法傳戒聚眾
千餘指所著有法華別楞嚴元辰金剛圓覺心經指及宗山

語石隱詩共若干卷皆梓行于閩 國初應講黃漢間畧示
微疾跣趺而逝靈骨仍歸匡山建塔于石隱之巔其狀貌奇

偉眉宇蒼然世指為達摩再出客有請贊初祖圖者援筆
題曰人說我似你我說你似我除却你我心無可無不可

埋菴 杭州人禪林尊宿游廬山愛遠公自社儲居上方塔別去
其剃度弟子朽木施茶九江數年惻念江上往來禪門絕

仙釋

少接待手闢荒葢建立普潤菴雲水游踪得依憩息勤修勝果可謂不負良師者矣

志元 號古巖繼起儲禪師法嗣也住西林三載宗風大振修葺法堂次第完備元歿葬于寺之西與照覺摠塔峙立如雙

云 玉柱

妙光 九江謝氏子也從幼業漁晚投孤山白泉寺為僧禪誦精勤誓生淨土將逝先期白眾多募薪材僧俗咸集積薪如

巖光念佛入坐聲響清越命僧舉火火不即燃手自灼紙取焰時烟霧中恍見金色如來眾感念佛聲振林木今建塔在

孤山 寺側

秀恒 楚僧參雲居顯禪師得契宗旨旋辭赴九江放生十有六年生平不設牀榻硬坐如枯椿一日宴處小閣見二童引

幢幡稽首曰上土持念佛咒能不間停應證阿羅漢果恒卒先期走別檀越跣趺力誦佛號端然而逝

天拙 湖口柳氏子得法于水陳志主曹溪方丈近十年宗風大振

明成 字雲籽玉琳秀孫廣菴法嗣俗姓陳瑞昌人肆力禪宗又憚堅苦後遂有心得藩司許兆麟訪焉與談終日戲謂曰

寺顏矣和尚何處安身立命曰處處都是然嘗力闢榛棘寺以重興後住煙水亭今亭上諸僧其法嗣也卒年七十五著

慧白話 錄詩鈔

博凡 名本可姑蘇人俗姓馮母高氏嘗夢僧投宿而娠穉穉中喜跌坐凡見僧即合掌年二十禮慈雲老宿薙髮後秉具

于三昧律師四十六歲直造天童宏覺國師乃蒙獎證康熙甲辰道過虔州遇屠氏育仁仲傑留止仰坪雙峯者六載庚

戌遷古真如寺又十三年壬戌眾請開法西林癸亥七月沐浴跣趺入定夜半奄然而逝春秋六十八

密行 號莪山德安縣閔氏子薙髮于岷山紫輝寺參學徧名剎道行情進雲居道綸和尚付衣鉢焉廣濟縣令劉臨啟請

主黃梅雙峯禪林大暢宗旨有語錄行世

重本 號一木安邑周氏子年十齡即志切空門登本里岷峯禪
 我山薙髮廿歲參方時我山主席雲居本往省方丈發志
 入堂至三旦夕無所得及夜半以破磬機緣頓爾了徹自後
 機語應答如流每閱綱宗俱相符契遂受雲居衣鉢晚退老
 本山有居雲草
 雲居語錄行世

悟徹 號留雲德化人少祝髮于廬山彌勒堂性聰慧工詩畫淡
 泊介諱敝衣蔬食晏如也遇交墨人敬禮劇談無倦色而
 尤戒律精嚴主錫西林寺方丈七載著有閒草詩本徒孫衣
 南號達實能守其法教現為能仁寺主錫

佛定 素菴悅之皈依受戒焉越五年其子跪接不歸遂買化邑
 禾家壠山一座結菴名曰靜音置田地山場以備香火鑄石
 重不朽焉

趙空 字隱微號仲晁海陽人妙年祝髮早悟道心為宏覺道志
 國師嫡孫本可法嗣初開楚武穴棲賢禪院晚住廬山西
 林寺刊有兩會語錄石香詩集太守朱儼作記法子知育亦
 有詩錄並真香詩集

方技

唐

白岑 曾遇異人傳發背方其驗十全後為淮南小將節度高
 適魯取其方然不甚驗岑至九江為虎所食驛吏于囊

中乃得真本太原
 王昇之寫以傳布

宋

法堅 廬山僧以醫名太祖召見賜紫方袍號廣濟大師景德
 二年雍王元份久被疾召赴闕至則元份已薨堅還山
 卒時沙門洪蘊亦以善醫工診切每先歲時言人生
 死多中賜紫方袍號廣利大師一時稱藥王再現云

明

王九達 字曰遠德安人性疎放不拘行檢坐事被逮逃之吳越
 間愛三柳之勝遂家焉與雲間諸君子筆墨酬唱比之

為陶九成楊鐵崖而攻醫自悟心法凡遇奇病治輒應手斷除崇禎間典職太醫錢相國龍錫述其事甚詳所著有素問靈樞合類九卷又心傳九種皆刻成書晚年感秋風尊鑰之言動念故里歸卒于家

花自達

號喬石德化文學天性篤孝其父質宇患痔手調飲食侍寢處者六年凡巾帟廁具必躬自浣濯少間即致志

于醫著有尊經集上下二傳聞里爭誦之當事問其名召之不應曰我為老諸生奈何以方技飾面目向人耶然貧苦無告者不召輒往治之病已且數以稟肉餽晚得劇疾倉卒易費力伸紙疾書曰生平無所得惟此兩三壺一朝帶不去歟

手隨太虛
擲筆而逝

蕭國柱

字玉臺德化人少穎秀學舉業不就藥而學醫得異人傳治病輒奇效自著醫案若干前後並毀于火嘗語人

曰易者治病難者治藥今人非已病不延醫非已治不效之病不延良醫故良醫之難不能為庸醫治誤投之藥則不能為庸者求可回之生矣其名論類如此順治初固山談太督

余顯玠賊誣被執都督令允登將戮之顯玠知國柱與冷善屬密友以百金為壽國柱受不辭詣冷以百口保之顯玠得釋趨謝國柱急拜曰君之福予何力之有起出橐中金還之顯玠再拜求納國柱固辭曰初或不受君方寸亂矣緩急人所時有豈望報哉蓋好生之功不僅以仁術濟世也

劉特生

瑞昌文學也性嗜醫名著于里弱冠時即修淨業晚得微疾沐浴起向西膜拜拜已跌坐誦佛而逝

陶欽臣

彭澤人天性孝友綜極百家尤精予醫學善八法鍼四方高士多遊其門

宋光紳

號橫秋彭澤儒士先世曰杏莊者善小兒痘症遇異人授以祕書醫由是顯光紳襲其業復擅長一時人延之

風雨弗避未嘗計利也一日暮歸拾遺金晨起詣故處以待其人至願分半以為膏光紳笑遣之

國朝

花

繡字章侯喬石之子治醫學當事重其術兼欽其品著有醫按臨幸從容與家人訣絕

許參可

九江衛籍其祖遇一道流投宿待之甚厚臨別授以書曰好珍重可名家視之則接骨方也屢試輒效故其堂有完殘肢而登壽域續斷骨以抵全人之句參可能世其業至今稱許接骨云

鄭應聲

字南廣德安人嗜古篤學工詩文年四十試有司不過寄跡黃梅廣濟間放意于秦漢印篆之學時稱為文三橋何雪漁之亞云

王日助

字幼安瑞昌儒醫也主方不專一家邑令江臯孺人疾不起日助藥一服而愈令奇之酬以金固辭曰子醫父母敢望報耶令契重贈額曰杏林濟美時里有兄病弟試之假作劇態日助診之曰肺脈如湯死在旦夕矣其人比笑及夕果死又隣少打翻肚腸日助曰此子無用將席包瘞之密囑左右兩旁湊少頃其人復初後詳充醫學冠帶榮膺

戴繩周

字孚公瑞昌人學醫遇貧人病捐藥不取資曾見董祥氣暴卒又嘗以薑桂治張孫謀鼻衄家人畏忌不敢與飲禪周強欲之藥盡血止邑令金世福稱為國手贈以額率充儒

學冠帶

榮膺

陳景春

字垂萬瑞昌人精醫有貧者僅一子患疾僵斃餘氣未絕景春取薑水推拗四肢焦以燈人斃者立甦其人貨金以報不受又嘗至友家適友疾景春診其脈語人曰某三日後不復為吾友矣越二日疾愈咸笑其妄次晨友卒人乃服其醫學之精焉

潘士洛

字魯仲瑞昌人幼從伯貢生熹登學日習經義晚則暗誦脈訣伯責之士洛曰此亦濟世良術也後棄儒業醫不論貧富全活甚眾遇極貧不能購藥者出藥治之概不問值邑人欽服陳李兩邑令高其風皆旌以額

李樞

字景衢瑞昌人邑庠生李尚選父也生而穎異體修偉美髭鬚屢試不遇遂寓于奕極貧不事家人產業每室無升斗若不知也學奕三載名聞于世當時縉紳家攻奕者無不來聘師事之樞性孝垂老不離父母左右每應聘不久留或誘以金輒不顧時大家宰熊潭石先生奉命巡行浙省聘樞樞不允強之登舟浦解纜望北號泣終不能奪以行江

方伎

南有棋仙黃立號德所久著譜傳天下聞樞名買舟至洪都
欲與試觀者如堵及奕三戰三北愧沮而行因于棋仙籍內
贊之云手談三昧走珠圍遊戲三千與大千

程剛中 字子潛瑞昌人善丹青康熙甲戌年 詔取名畫邑令

楊翰 彭澤人號芭園少負異才中年棄帖括專肆力於詩古
文詞性好山水乾隆丁未遊學京師一時名士多器重

之留京以歿著有選
擇約編六卷行世

譚文 字在茲德化人少工帖括家徒四壁淡然寡營惟肆力
於算數九章河洛輒多神解著有數學尋原行世

余亨信 德化人品端謹志研岐黃心存利濟凡民間延請無
論遠近貧富必岐視瘠里至今稱之

